

說部叢書


初集

第十六編

偵探小說

二備案

上海商務印書館發行



一 備案

第一章

達納耳者。一顧影少年也。既美麗。家復康實。歲可得英金五百鎊。性沈敏。暇則鉛槧不去手。而獨專志於稗官。其立說也。不欲憑虛。構造起止。惟意必取。所見事。遴其奇異。筆諸書。故一紙出。則穿戶限。爭購不翼而遠。飛不脛而疾。走其聲。價誠無足與倫比者。達納耳常日以午前事事。逾午則作睡。耶遊。薄暮行樂。夕則十二鐘。至味爽。竭來塵市間。易服作窶人子狀。蔽人耳目。以詞幽密事。刺得端末。爲說部材。常蹀躞於司脫來恩之闈徑。滑乞潑之穢巷。及人跡不往處。有時且至西恩隱察貴冑所居。凡文明中之污點。亦鉤撻無遺。蔽諸社會。無論若上若中若下。其情事。皆鏡矚而櫛梳。驅三寸管。雲屬霞綴。既翔實。復恢奇。讀其書者。皆惟恐卷帙之盡。達納耳之名。由是大褻矣。

夏夕。達納耳作工者裝束。至圖利街。時禮堂之鐘。鳴十二下。衢市間行人漸稀。多滅

燈。鍵。戶。者。達。納。耳。口。一。菸。捲。隱。路。隅。以。銛。銳。之。目。光。察。往。來。人。及。收。肆。情。狀。瞥。見。一。人。類。紅。毛。種。軀。修。而。肥。著。油。污。布。衣。髮。鬚。皆。深。赤。色。有。倉。皇。狀。往。復。過。達。納。耳。前。者。數。次。復。至。一。未。收。市。之。肆。注。目。窗。內。眈。視。貨。物。見。警。察。兵。至。悚。然。驚。遽。達。納。耳。覩。其。狀。疑。之。度。此。人。必。欲。有。所。爲。故。神。情。不。定。豈。陰。蓄。不。利。於。人。之。念。果。爾。當。一。偵。其。實。俄。此。人。又。經。達。納。耳。前。若。毅。然。定。意。瞥。入。右。側。街。忽。不。見。達。納。耳。愕。欲。尾。其。後。甫。沉。吟。此。人。復。出。又。若。猶。豫。入。人。叢。中。疾。來。去。如。織。再。面。警。察。兵。立。若。欲。有。所。詢。復。緘。口。去。繼。見。達。納。耳。即。趨。前。欲。語。不。語。又。轉。其。趾。達。納。耳。益。疑。駭。亦。佯。至。肆。外。觀。物。以。隱。察。其。舉。動。見。此。人。又。詣。警。察。兵。前。少。立。欲。言。仍。默。旋。近。達。納。耳。左。側。知。其。已。覺。若。反。來。伺。察。者。見。其。齒。啟。而。闔。者。再。久。之。謂。達。納。耳。曰。恕。冒。昧。不。知。馬。得。里。街。在。何。所。達。納。耳。曰。距。此。不。遠。需。導。行。否。曰。辱。厚。意。不。敢。煩。導。但。告。所。在。則。已。甚。感。達。納。耳。曰。此。間。道。路。雜。曲。折。匪。言。能。盡。脫。不。見。信。詢。警。察。兵。何。如。此。人。足。趨。趨。若。退。舉。目。視。達。納。耳。曰。觀。君。乃。有。學。之。士。達。納。耳。聆。其。語。氣。卽。曰。我。謂。君。亦。然。馬。得。里。街。在。左。請。前。舉。

武。此人見達納耳欲行。曰。我深信君。敢勞前引。達納耳頷以首。入小街。此人隨之行。步。迤。斜。掩。斂。狀。若。伺。物。之。狸。奴。巷。窄。而。深。煤。氣。燈。疏。少。光。復。闇。淡。朦。朧。中。僅。能。辨。物。見。此。人。距。身。至。近。右。手。撫。膺。目。動。而。色。變。似。有。懷。挾。防。劫。奪。意。達。納。耳。思。此。人。語。狀。爲。一。文。士。所。服。必。非。本。色。其。因。狹。邪。來。問。津。耶。此。街。至。僻。險。莫。測。其。所。爲。又。不。便。詰。所。以。默。經。數。街。至。孔。道。道。左。停。四。輪。馬。車。三。第。一。車。側。有。狹。街。一。達。納。耳。指。告。曰。此。馬。得。里。街。也。然。中。殊。未。謐。隻。身。行。此。險。甚。汝。如。不。棄。當。伴。君。行。此。人。不。待。畢。辭。亟。曰。毋。須。導。至。此。已。足。達。納。耳。詫。曰。君。不。欲。進。此。街。耶。曰。我。歸。矣。請。辭。卽。至。第。一。車。就。御。者。交。數。語。見。其。出。錢。授。御。者。俛。進。車。卽。然。門。闔。見。御。者。去。馬。背。毯。理。其。轡。徐。徐。上。車。向。司。脫。來。恩。驅。去。達。納。耳。陡。起。探。奇。想。立。上。第。二。車。啟。車。門。以。金。半。圓。授。御。者。手。曰。速。逐。第。一。車。尾。之。毋。失。御。者。見。多。金。有。疑。色。曰。君。欲。何。爲。達。納。耳。曰。警。察。事。亟。故。與。汝。多。金。耳。御。者。喜。曰。可。趣。上。鞭。三。下。馬。卽。及。其。車。達。納。耳。知。其。竭。力。乃。倚。車。中。自。度。脫。追。及。將。若。何。又。思。彼。旣。欲。我。導。至。其。處。何。忽。幡。然。去。然。則。與。馬。得。里。街。似。無。關。繫。

如此又何必叩其地。又何以舍警察兵不詢。詢於素未相識者。是何意耶。百思莫明其故。未幾。追及。啣尾行。過培而街。又轉至司脫來恩。時車馬稀寂。過大道。爲太法街。折至腦登勒街。經河浜。過矮倫特耳。復至司脫來恩。達納耳覺車旋如磨心異之。繼至圖利街。度彼已知我尾之矣。是欲棄我去也。恐停車當復在馬得里街。繼而果然。彼車仍止前所。其時第三車已杳。

達納耳之御者下。關車門曰。已至。我兩車竟若盤旋。不知亨利之客胡出此。達納耳遂下車。至彼車前。睨視。則車中人已杳。第一車之御者亨利曰。我車有何異。而勞眈視。達納耳曰。車中人何往。亨利曰。彼固無恙。無與君事。何問爲。達納耳御者曰。亨利勿爾。此君有警察事。亨利頓作搗謙狀曰。未知君爲警察員。冒瀆罪甚。君殆欲稽察此人蹤跡耶。達納耳曰。稽察恐不能已。彼於何時下車。亨利曰。彼未乘我車。胡云。下達納耳曰。噫。是語殊不可解。亨利曰。我明告君。彼紅鬚髮者。就我車。言君尾伺。乃與我。五先令。假道我車。卽入此街。並囑我以空車環繞他途。再停此處。待其至。仍御而

歸。當。時。我。去。馬。背。毯。時。彼。由。左。上。車。卽。由。右。下。直。趨。馬。得。里。街。我。車。發。正。見。君。車。尾。後。今。我。如。言。竣。此。彼。尙。未。至。何。也。語。次。復。左。右。望。似。甚。翹。首。而。盼。者。達。納。耳。聞。之。大。詫。彼。紅。鬚。髮。者。旣。欲。入。馬。得。里。街。正。不。識。若。何。用。意。又。避。人。知。遂。謂。亨。利。曰。我。與。汝。在。此。堅。候。何。如。亨。利。怫。然。上。車。曰。君。自。待。之。可。時。逾。一。句。鐘。矣。我。甯。以。空。輿。返。不。能。終。夕。俟。卽。驅。車。去。達。納。耳。詢。其。御。者。曰。汝。亦。欲。歸。乎。曰。然。宵。深。我。婦。正。盼。我。返。亨。利。旣。云。人。在。此。街。我。當。隨。君。往。觀。爾。時。同。車。至。鮑。街。亦。得。隨。取。車。燈。入。街。達。納。耳。後。御。者。執。燈。左。右。始。能。辨。路。街。不。甚。修。途。通。林。根。地。至。末。御。者。猛。蹴。一。物。覺。龐。然。栗。而。巨。大。駭。狂。呼。不。敢。再。進。達。納。耳。取。車。燈。俯。照。則。一。人。仆。於。地。卽。所。見。紅。鬚。髮。者。胸。受。創。深。死。矣。

第二章

星期一之晨。達納耳早餐時。計昨夕事。已令御者罷克白諸警察署。署中令達納耳備作佐證。達納耳不獨願爲證。並渴欲得此案究竟。胡此人入街卽遭殺。下手者何

故殺彼於馬得里街中。本旁觀無與耳。必欲投身干涉者。謂此事不獨有益閱歷。並所以備雜箸中儲蓄之資。正計畫時。侍者持刺入署。曰。土理不知爲何許人。始延之入。見一人身肥短。兩頰殷潤。髮疏疏作赤色。頂童然禿。齒若編貝。鬻然啟顏。乍見。覺和靄迎人。及諦審。則目雜青白。機械形於面。知爲明敏精細者。入室不俟主人言。卽移坐近達納耳。曰。余以馬得里街事。願求教。達納耳曰。得非來自蘇葛蘭場乎。曰。余職偵事。自新蘇葛來場。至此案實余承辦。達納耳曰。土理君得承顧甚幸。知不棄鄙人。顧竊有所請者。曰。願聞。曰。能允余助偵此案否。曰。君胡不憚煩屑。達納耳曰。余謂潛智快奇。莫過於小說。爲謀衆益。著偵探案。且不一帙矣。皆本實事。潤色成編。馬得里街案。最可駭異。余欲得本末。輯爲一書。藉以試余目力。抒余理想。不揣涓壤。竊願分勞。不復慮冒昧也。土理頷首曰。君能臂助。足匡不逮。惟一事須與君約言。曰。何事。土理曰。君有爲。必商諸我。否則不行。達納耳曰。謹如命。土理喜曰。是可以爲我左右手矣。遂握手表同志。於是相與議入手辦法。達納耳曰。是否當以誦得殺人者爲主。

腦。土理頷首曰。然要亦不必殺人者。我能知之。達納耳一躍離坐。亟曰。殺人者誰耶。土理曰。是一櫻髮女。果不妄耶。君何由知。就獲否。土理曰。幸逃律法。已死矣。達納耳駭呼曰。死耶。亦爲人殺。達納耳曰。是又一殺案矣。土理曰。彼男子遭殺。當在十二鐘與一鐘之間。彼女子遭殺。計一二句鐘時耳。詰朝約三鐘。當解屍驗察。達納耳曰。不知女屍覓自何所。土理曰。在巴得拉尼特河畔。達納耳曰。由是度之。殺人者殆棄屍於河耶。土理曰。我亦如是。想恐彼移屍時。或爲人驚。遂棄屍遁。達納耳問曰。敢問女屍何人覓得。土理曰。晨六鐘時。有一無業者。盥手於河。見之。當時我正檢男屍胸際。聞得一女屍。急往觀視。達納耳曰。此案中君有注意處否。曰。有。探胸前衣袋。出黑色女飾花邊一。擲於桌上。達納耳掇察之。土理曰。此花邊在男子右手中。當彼殺此男子時。男子必以手拒。而花邊適爲所攬。花邊乃女飾。我故謂殺人者必女子也。達納耳頷首曰。誠然。特不知彼二人有何關係。土理俯首久之。旣而曰。此事頗難揣測。見殺於女。奇矣。殺人者復爲人殺。則更奇。男若女創。皆在胸部。死所則一於馬得。

里街。一於河畔。相距至近。是女之死。必殺此男子所致無疑。達納耳曰。我亦作是想。君曾驗此女屍否。土理曰。曾察得此女。外衣之花邊。在胸前者。擗去約半碼許。與男子右手所執者同。指桌上花邊曰。非半碼耶。此可爲殺此男子之顯證。達納耳曰。君言良是。惟殺此女者爲何人。亦案中要著。土理曰。此事余正力偵。女屍被服。絕無記識。衣囊中無函件。手帕不署字。度此女生前。必臚豐逸樂者。以衣製皆精美。至何人殺此女。此時若捕風影。未知入手處也。達納耳曰。盍仍以此男子爲楔。土理曰。脫彼貌服。非僞飾者。則尙易探究。達納耳曰。果僞飾耶。曰。彼赤鬚髮。皆非真相。實則年可六十許。面肥頂禿。髮數莖。已作雪色。鬚減去。有數齒。皆補以金。達納耳曰。得無爲文士耶。曰。然。細察其手足裏服。並文士狀。達納耳曰。衣有記識否。曰。有。彼易表。不易裏。非習爲僞飾者。凡蓄惡念。而易服。必表裏若一。此人亦不自知爲人所殺。故僅變外衣。達納耳曰。衣有姓名否。土理曰。彼於禪襪。皆記有 J G 兩字母。達納耳曰。此必其名上之第一字母。土理曰。然。察其衫若禪。製皆上材。度必爲富人。達納耳曰。君能卽

此字母求得其眞名否。土理曰：衫上曾署售肆名，遞推究之，尙非難事。惟女屍名則無由得悉。達納耳曰：此二殺案所係必密切，當先究此女所以殺此男子之故。則此女之所以見殺，即可推勘得之。擬從此二字母爲入手處。土理曰：我姑欲試之。脫無濟，再更他法。達納耳詰曰：君試晰言之。土理目視達納耳曰：無他，藍陶偶耳。

第三章

達納耳聞而異之，曰：何謂藍陶偶？土理曰：兩藍色陶偶人耳。語竟，卽出諸衣袋中。二偶人皆藍色，修各六寸許，衣摺宛然，胸各著一日光線四射，乃陶器之至精者。形式亦極古。達納耳默忖：此陶偶胡涉殺案？卽曰：余媿寡見，知此偶爲埃及陶人所製。君得自何所？土理曰：一於女屍衣囊中，一於男屍之側。我意此陶偶乃兩案中至要關鍵也。達納耳諦視陶偶良久，曰：未知若曹以此偶代何者表識，脫知之，可得端倪。土理曰：君不知耶？曰：不知。余識一稽古者，其能許余持問乎？土理曰：二偶相同，君持其一，以叩君友。余恐此偶乃古神像耳。雖然，余欲有諏於君。達納耳曰：固所願。土理曰：

請君將圖利街遇此男子本末示余。達納耳具以告。土理屏息以聽。日瀾瀾注達納耳面。語竟。土理復細詰數事。以達納耳所答語。筆諸記事簿中。皆以隱記。卽失此簿。爲他人得。亦不能解。土理又曰。君云聆彼之語。似爲學人。然乎。達納耳曰。然。彼語至婉雅。土理曰。彼問道於君。在何時耶。達納耳曰。已逾十二句鐘。曰。行至馬得里街。需若干時。達納耳曰。約十分鐘。彼離我約在十二句二十分鐘左右。曰。君車尾其後。需若干時。達納耳曰。約四十分鐘左右。復至街。則時已一句鐘。彼御者云。一鐘已過。由是知之。

土理曰。然則此男子之死。當在十二鐘半至一句鐘之間。達納耳曰。我思亦復如是。與罷克見彼屍時。一句鐘過尙未幾。屍體猶溫。土理曰。此男子見君時。得毋有跼踖狀乎。達納耳曰。行時彼相距不遠。常以右手撫膺。土理曰。彼胸前藏短銃一。爲最後檢得者。但未見有貴重物耳。達納耳曰。是何貴物。曰。或文件。或珍寶。或金錢。三者必有其一。達納耳曰。君何由度其攜此貴物。土理曰。脫無此。則藏銃。胡爲者。達納耳曰。

防險耳。卽彼防余。亦誤爲宵小。土理曰。未必彼爲此。襪狀何虞。圖彼者。深夜行舍。警察外。無人理會。短銃度亦姑備之耳。達納耳曰。何以知之。土理曰。彼非敢冒險者。脫事露。則彼真姓名。必藉藉人口矣。度彼必身攜貴物。以短銃防不虞。余由此推繹。少得端緒。達納耳曰。端緒奈何。土理指陶偶曰。余意自此偶起。達納耳曰。我不解。君言。土理曰。必此男子。身藏貴物。至馬得里街。畀此女。此女卽與以陶偶。一藉作收據。彼男子以右手承偶。欲藏諸衣囊。女卽出刃。彼倉猝拒以右手。適援女外衣之花邊。女搵其胸。遂立仆。故陶偶落身畔也。達納耳曰。此想當然耳。土理曰。凡職偵者。必先有理想。以爲母。然後循此線索。用得要領。君當知我非漫爲理想者。

達納耳曰。所言誠當。然此女子衣囊中。陶偶胡自來耶。土理曰。我度此女殺人後。必於巴得拉尼特晤一人。卽以貴物付彼。彼亦與一陶偶作收據。女藏諸衣囊。正欲行時。則胸已飲刃死。其人欲投屍於河。或爲人見。遂棄而逸去。達納耳曰。君何由知此殺人者。亦以一陶偶與女。在女殺彼男子時。已懷一偶。安知無二耶。土理曰。我意不

爾。乃此女以陶偶易彼男子貴物。復以貴物授諸人。易此陶偶。達納耳曰。彼既得此女。貴物何又殺之。土理曰。此事得眉目。則殺人者無可逃。達納耳曰。鄙意謂事非易究。土理曰。君若此已萌情。志何能襄偵事耶。達納耳曰。我欲觀君挈領處。土理曰。首在字母。當至蓬街一探究之。脫知其人。則其平日所爲及所以致死者。皆可得端緒。此外則馬車亦案中線索也。達納耳曰。將謂亨利罷克二車耶。曰。非是我注意者。乃第三車。卽君回至馬得里街時不見者。達納耳曰。安見此車與案有涉。土理曰。達納耳君言著述。則君爲名家。易而事偵事。恐當見讓胡不思。此女旣殺男子。必圖遠脫。見第三車在必乘。以行女屍不在巴德拉尼特河畔乎。其爲車行至彼。似無疑義。達納耳曰。如君言。此女獨不慮爲御者所識。殺案發。警察必先就御者詰其蹤。土理曰。恐此女當時未能慮及。度彼行時。亦未必易服。倉猝中卽危險。有所不顧。當首覓此第三車之御者。達納耳曰。君於何覓之。曰。當探之亨利罷克。語竟起。謂達納耳曰。請分途從事。余覓御者。君可亟詣蓬街哈殼肆內。究JG二字母爲何人。達納耳曰。甚

善再晤當預定時地。土理卽出名刺一鉛筆書數字置諸案曰。余辦事所至僻寂無驚擾者。司脫來恩克來文街署門牌八十號者是。君以午後四點鐘來。並便道訪君友。攷陶偶本末。達納耳曰。余友居近博物院。自當過訪。尙有一事。君或未知。土理曰。我不敢謂無未知者。但此不經事。達納耳不待辭畢。卽曰。巴得拉尼特河畔。殺此女者。男若女。君恐未悉。土理曰。必爲男。達納耳曰。胡言之決。土理曰。君當思此女冒大險殺人。非因一男子。必不敢爲。

第四章

凡理想不如實行。語曰。一年之歷練。卽理想家八倍。其時日猶不能及。信哉。達納耳雖孳孳著述。乎而遇事。好推勘。不避槃錯。樂以所見聞爲動。墨具此案。若素絲無緒。欲措手大難。所得緣以入想者。二陶偶三字。母一御者耳。在土理似已躊躇滿志。由是而獲犯定讞。卽刑皆勢如破竹矣。達納耳至此亦不得不殫心力爲爭競。自忖曰。譬諸俳優演劇。正余登場時也。乃懷陶偶出門登車。循博物院訪其友。友曰。巴得龍。

爲亞思福書院同學。長身而瘠。髮作灰白色。支鏡於鼻。聞達納耳。至喜而出。迓達納耳。少巴得龍五年。軒軒有氣概。巴得龍甫三十。已現衰狀。蓋劬於學。瘁心所致。達納耳旋出陶偶。曰。請君觀此埃及陶偶。以故實告我。語竟。自就坐。巴得龍注視久之。曰。君誤矣。此非埃及物。達納耳曰。我知埃及國俗。人死。漬以鹽。暴使爲腊。此偶卽狀其死者像。巴得龍曰。非也。昔秘魯人亦尙保尸法。此偶定爲秘魯國物。達納耳甚訝曰。胡由知之。曰。不見此偶。胸前著日乎。秘魯人崇事太陽。故此偶以日置胸次。蓋出諸英戒。英當屬西班牙前其民稱王曰英戒今則秘魯爲自主國矣墓中厥名曰。俑。達納耳曰。俑何所取。巴得龍曰。當時秘魯頗似亞洲國。以野蠻法。使生人殉葬於貴者墓中。配司加書中載其事。一英戒死。凡宦官宮妾殉者多至千人。有時代以俑語次。指陶偶曰。此俑卽代人者。故每一英戒死。作俑必如其僕妾數。發一墓。則俑纍纍且數百。說碣有可證。達納耳納俑入懷。曰。君言博贍。惜未能助余毫末。巴得龍曰。余未解君言。此俑得自何所。達納耳曰。自一被殺之女衣中得之。巴得龍驚曰。奇哉。女何事遭殺。又何以懷此秘魯之俑。

達納耳曰。君所問者。卽余欲問之詞。巴得龍曰。脫余能助君言。未竟。達納耳止之曰。恐君亦無能爲力。遂辭而出。巴得龍乃溺苦於學者。卽迴身復入書窟矣。

達納耳旣出。思此行雖知此陶偶爲秘魯俑。然此案覈要。終不得明。悵悵然乘車欲究衣上字母事。至蓬街。徑詣哈壳肆。肆頗宏敞。售物皆時尙。值亦頗昂。達納耳卽攜土理所交之衫。入覓哈壳。授其手。哈壳狀頗偉。目亦支鏡。持衫周視曰。是胡爲者。達納耳曰。我欲知此J G 二字母。是何字縮短。哈壳曰。君能述此問緣由否。達納耳曰。我度君必知此字。必欲述其故。當守余約。哈壳曰。諾。卽偕余入內。導抵一室。闔其戶。達納耳就坐。哈壳置衫於案。曰。請述緣起。達納耳曰。余以實告君。亦能實示否。哈壳曰。必實。君視J G 二字。下有號表。曰。一千四百二十。卽我肆製造號。目君所述果於我無礙。可檢簿記得其名。達納耳曰。若是乞君速檢。俾得早獲兇徒。哈壳聞言詫甚。曰。胡獲兇之云。達納耳曰。星期一句鐘後。御此衣者。爲人所殺。哈壳曰。死耶。曰。死馬得里街中。創在胸部。哈壳大驚曰。閱星報載殺案一節。不意此死者爲我肆顧主。可

畏哉。不知孰致之死。達納耳曰。余正以此事來詢。哈壳曰。君殆法律員耶。恕未識。達納耳曰。非也。我本著作家。乃辦此案之偵者。允我襄理。哈壳益奇之。曰。然則余當往檢。去不十分鐘。卽返。面色頓異。似與死者至。有關係。入坐。猶有餘驚。曰。惜哉。此死者爲我肆顧主。有年。不幸忽遭此變。達納耳亟曰。死者爲誰氏。哈壳曰。乾司拊倫。居雷橋之雷屋。達納耳忽憶曰。似耳其名。哈壳曰。非利街拊倫利朋。固盡人皆知者。達納耳曰。得毋業於雙合銀行。哈壳曰。然是總董其事。曾歸款於余。無爽時刻。誠爲長者。言次。正欲述其容狀。達納耳曰。君所云拊倫董理銀行。彼僞飾其服貌。何也。隨語隨出。哈壳在肆。卽命人速收拊倫所負於其受託人。時已六句鐘矣。達納耳出肆。計欲至土理之寫字所。踐前約。而時已逾。亦卽返宅。思拊倫家至殷實。衆所共信。何事倉卒見戕。且易其裝。誠不可思議。念至此。心若轆轤。反側不能成寐。凌晨。卽欲起訪土理。土理適至。有勞瘁色。入門。卽曰。已探得兇徒有二。達納耳曰。二人耶。土理曰。不出。余料果男一女一。

第五章

達納耳聞土理言。沉思久之。曰。是孰告君者。土理曰。第三車之御者。曰梅恩。覓得於馬得里之街外停車場。達納耳曰。欲彼具以實告。恐亦難事。土理曰。彼不特願以告我。並允助調察。何以君謂之難。達納耳曰。此男女果屬兇徒。必當囑梅恩諱隱。土理曰。梅恩云。是夕兩車馳去。余車無過問。再待二十分鐘。亦擬回車。至一旬鐘時。馬得里街有女與男二人出。呼其車欲雇。達納耳曰。此正我兩車盤旋欲回時也。土理曰。殺人者。心至精。其女囑梅恩。車至愛文牛路戲院左右。既下。卽付值屏其車。達納耳曰。余意梅恩。必見其自何所去。土理曰。惜梅恩得贖。卽返。返時惟見二人立道周耳。達納耳曰。自馬得里街至愛文牛路。所經者爲何路。土理曰。出冷頭街。循河邊行。達納耳曰。彼車經巴得拉尼特時。曾何所見。土理曰。余亦詢及。梅恩云。當時全神注於駛車。不及顧左右。達納耳曰。彼亦述及此男女形狀否。土理曰。惜未明了。但云。女稍長。灰髮。藥色。服幕面。此卽我所見女屍狀也。男較女身短。小髮黑。軟帽。衣長。幾及趾。

默不一聲。給車。賫告去。向皆由女。達納耳曰。見二人有驚悸狀否。土理曰。梅恩云。男較女驚色尤甚。達納耳曰。梅倫之見殺。恐係此男。土理曰。良是。惟無左證。君所云。梅倫爲何人。達納耳曰。是死者名。即主理雙合銀行者。爲述哈壳語。土理聞之。摩兩手。意若甚得。曰。君竟調得如許事矣。死者爲乾司梅倫。則此案離奇益甚。彼擁厚賫。且樂善。前曾領袖議院保守黨。乃竟以不賫之軀。易服入僻巷。誠不可解。乞再詳言之。曰。我已盡述之矣。土理起立曰。然則當有非利街之行。君能偕往否。達納耳曰。可少待。容衣外服。達納耳衣時。且言陶偶事。土理卽記諸簿。曰。是事似與此案無甚得力。達納耳曰。余思此俑。必有所代。亦未嘗不可於此中求索端緒。於是相與車詣雙合銀行。

是行之設。在法蘭西革命後。已百餘年矣。爲老梅倫所創。嗣入副經理老利朋股。規模益宏。土理與達納耳既至。刺入數分鐘。聞鈴聲。有人導入一室。見一人容巖然。年可三十許。髮黝面卷。鬚若燕尾。服時服。前肅容。然頗有不豫色。已爲土理所窺。彼乍

見張手延坐。卽曰：余已知二君來。達納耳方視其貌，度其年歲。茲聞言甚詫，遂不待其辭畢，曰：足下爲利朋君耶？曰：君欲見者，余父耳。父已去巴黎數星期矣。穉倫君亦不在此。余乃懼攝者。土理徐徐問曰：得非穉倫君亦出乎？曰：然。前星期六已往意大利。土理曰：穉倫君曰：穉倫是面向余言。計此時當可在密勒。土理曰：恐未必。然小利朋聞語色頓異。左右顧曰：是何謂耶？土理曰：我謂穉倫君之出更遠於意大利。非君所知。小利朋曰：何其更遠？曰：君不知余職偵事。小利朋面驟灰白，推椅於後曰：何事偵者？顧我。達納耳曰：是來告穉倫君已死。小利朋聞之，足蹶，神形變亂。曰：穉倫君遠死耶？前星期五來別，固無恙。土理曰：彼死非由病。君曾聞馬得里街殺案乎？小利朋漫應曰：聞之。並見晚報載其事。未知爲何人耳。達納耳卽曰：是卽穉倫事。在星期一旬鐘前爲人所殺。小利朋曰：傷哉。乃死於殺。達納耳曰：創在胸部。小利朋曰：亦知殺者爲誰？土理曰：乃一不知姓名之女。小利朋色白，復頰似極詫怪。曰：爲女所殺。我意未必。此女就獲否？土理見其形倉皇，語言失度。卽曰：此女已死。小利朋曰：得非又爲

人所殺。曰：乃一不知姓名之男子。搵其胸斃。曰：然則已獲此男子耶？達納耳未能再忍。輾然曰：脫已獲。豈能謂之不知姓名？彼已在逃。故我曹來乞君爲助。冀偵得其人。小利朋聞之。心似稍帖。乃就坐。曰：余胡能爲力？土理曰：易事耳。君但能道稱倫之舊事。即可推測其被殺之因。小利朋曰：舊事非余所知。惟知爲一篤實長者耳。土理曰：君可知凡離奇事。必涉女人。而今……言至此。小利朋卽僂言曰：余意謂此案當不涉及女子。土理曰：稱倫見殺於女。君頃已問及此女。就獲否？茲忽作歧語。何也？小利朋頓復失色。心似有不懌然。曰：因余素悉稱倫君。從無與婦女往來事。達納耳曰：稱倫君已娶否？曰：已娶。余非言其婦。桐那審此之謂。達納耳亟曰：桐那爲何許人？曰：卽稱倫君婦。爲美洲西班牙人。喜以名著。故皆稱桐那。達納耳曰：得非南美洲西班牙耶？曰：然。彼乃利馬土著。達納耳自言曰：利馬在秘魯事。大奇。遂與土理目語。似謂稱倫之婦爲秘魯人。僮又出秘魯墓合觀之。得母有關涉者在。

小利朋卽撼鈴。一侍者入。小利朋曰。請樊斯君來。侍者受命去。小利朋顧土理曰。穉倫君之書記卽可至。彼與君等語。當更清晰。土理曰。樊斯君曾爲死者親信否。曰。至親信。倚若左右手。管鑰皆彼掌之。君等談時。余當電余父報穉倫君死事。須臾。又曰。樊斯君前有疾。自星期六未踰臥園。今晨始來。土理聞之。笑曰。樊斯君爲穉倫親信人。胡可久病。蓋土理聞小利朋語。頓起疑竇。以小利朋何忽述其病。曰。達納耳亦疑中有鞮鞢。初土理等不能無疑於小利朋。今聆其語。復移諸樊斯矣。不數分鐘。樊斯至。齒未三旬。無鬚。支目鏡。氣頗靜穆。小利朋迎謂之曰。屈君來。非他事。穉倫君生。平請詳語二君。樊斯詫曰。余何事與穉倫君有涉。小利朋曰。殆恐汝未知端末。余去發電。二君常有以告若。及出門。土理曰。君卽返耶。小利朋曰。君欲余返卽返。土理曰。甚欲君返。當偕往認穉倫屍。恐驗尸時。君亦須至。小利朋曰。余不涉此事。甚不願履公廨。土理曰。君必往。小利朋視土理者良久。曰。必欲我返。卽返。語次。忽然闔門去。當土理與小利朋問答時。達納耳目注樊斯。見樊斯厯厯聞所語。無幾微動色。至小

利朋出。覺色頗不懌。土理曰。樊斯君知否。君之主者。已爲人搗胸死。樊斯大驚。退數步。頓聲曰。此事出意外。何日何地。土理曰。在馬得里街。星期十二鐘至一鐘之間。樊斯似婦人狀。頓泣數行下。達納耳初頗滋疑。見此狀。頓釋。度瘠倫之死。真在其意外。土理不語。惟熟視樊斯。少頃。樊斯曰。欲問者。余甚願答。土理以日止達納耳語。乃曰。瘠倫君之死。或於其夙昔所爲。可推得之。願就君詢彼舊事。君掌記有日耶。樊斯曰。五年矣。瘠倫君誠一慷慨仁慈者。土理曰。然則人皆與之無忤乎。樊斯曰。未聞有人道其短。土理曰。聞瘠倫君已娶。然否。曰。然。婦爲秘魯人。名桐那。土理曰。彼昔觀於何所。樊斯曰。前十年。彼養痾至秘魯。遇諸利馬。卽成婚事。土理曰。結婚在羅馬教堂否。曰。然。彼夫婦皆宗羅馬教者。曰。有子女否。曰。無有。瘠倫君無嗣。撫其妻之兄女馬利亞於家。土理曰。年幾何。樊斯聞言。色忽有異。曰。二十歲矣。貌至麗。達納耳見樊斯變色。並繩女。美意豈此女釀是案耶。土理曰。馬利亞與瘠倫君同居。若而時。樊斯曰。二載左右。曰。彼能操英語乎。樊斯亟答曰。語極佳。乃受諸哈公麗蝶女郎。與女郎居。

恆甚相得。不知者。幾疑爲此宅中之女。動身僅六星期耳。此語一觸。土理耳。卽記其姓名。曰。辯倫君。固居雷橋乎。樊斯曰。在雷橋之雷屋。頗閎壯。臨泰姆斯河濱。土理曰。辯倫君。亮常宴客。樊斯曰。最喜客。數數讌集。卽桐那亦復如是。土理曰。君意桐那卽辯倫夫人耶。樊斯曰。然。但彼喜用西班牙稱謂耳。土理曰。君亦知與倫辯君爲莫逆交者。有若而人。樊斯嘖嘖答曰。約一二人。土理莊容詰曰。君能以此一二人之姓字見示否。樊斯曰。一勃蘭克。乃愛而蘭人。土理曰。聞其姓。亦知爲愛而蘭人矣。敢問其餘。樊斯若不能出諸口者。良久答曰。尙有其一。君必欲知之。乃西班牙人。名亦從西班牙稱謂。曰。麻謀兒。統兵。土理曰。麻謀兒亦自秘魯來耶。樊斯曰。然。彼爲桐那戚。以視桐那故。今三月中。常至雷屋。

達納耳謂土理曰。能讓余一詰否。土理示以目。並領其首。達納耳乃謂樊斯曰。若是我欲一叩樊斯君。雷屋中。當有男女私愛事耶。樊斯聞言甚愕。口期期答曰。私愛事耶。君以此爲問。實不知命意所在。土理謂達納耳曰。此特君懸度耳。達納耳曰。男女

各二。皆少年。又何可謂此事之必無。樊斯答曰。我亦不敢謂君語舛。若麻謀兒。統兵者。則常謁馬利亞。若勃蘭克者。則與哈公女郎交最摯。固不必爲諱。達納耳曰。鄙見亦然。言次。目睨土理。欲令其窮詰者。曰。辯倫君好友既言之矣。反是而爲其仇。君能約舉否。樊斯曰。否。否。必無仇。人無不善辯倫君者。土理曰。最後之晤。在何時。樊斯曰。在上星期四五鐘間。別時。彼云當詣意大利。四閱月可歸。土理曰。不知辯倫君於家何如。樊斯曰。辯倫君在市。亦有居所。或星期五。與其妻別後。卽居市屋。而後首塗。我思桐那此時。意謂辯倫君已在密勒矣。土理曰。市居在何地。樊斯曰。在聖乾司之杜克街。且獨居。土理曰。有傭否。樊斯曰。有一管事。兼僕役。且辯倫君來去無定。卽不歸。亦無慮。其有他變者。土理曰。辯倫君行時。挾多金未。樊斯曰。彼所挾券。僅英金二十鎊。爲臨時用。更有空白券。隨時可填。土理聞言。覺雖探得辯倫常日事。案仍未有發明。正擬與樊斯別。而達納耳驟起立。若有所念。猝然出陶俑以示樊斯曰。恐君未明此中事。語甫脫口。土理等皆大駭。蓋樊斯一見俑。陡然失色。遽踣於地。

第七章

嗟乎。似此一。至有名之銀行主者。殺身幽巷。不得下手主名。且河畔女屍。形跡復相關涉。案中有案。立之。又立。衆論棼如。播諸遐邇。報章皆切注此事。撫拾風聞。並謂此文明交通之區。何警察之疏。一至於此。更有好事者。寓書主報。陳偵緝方畧。至茶寮酤肆。亦多以此案爲談助。星期二。檢驗二尸。逾被殺時已三日。土理乃主持此案者。令三御者爲佐。令達納耳述所知於當事。令小利朋認屍。令樊斯證死者出時之舉動。殫竭心力。冀使主驗及佐讞者洞其情。卒不得此案竅。案中至要者爲兇器。卽巴德拉尼特河埠畔所得之祕魯刀。是刀有機。著物則及突出。罔不立死。當時此刀爲游民所得。初匿之。繼出以貨。土理乃易以十先令。驗尸時。刀若衫。若二僮。列佐讞者前。集各供勘究之。亦無從得實。佐讞者集議後。僅判曰。是男若女。爲不知姓名人。所殺。此判。傳諸報館。皆嗤以鼻。譏訕且蠶起矣。會倫敦有東方藩邸。至此事漸寢。咸謂是獄將終不得主名。

達納耳至此志亦頹萎。謂土理曰：予力竭矣。譬投鍼巨浸中，於何覓獲。土理笑曰：君萌此念，盍棄置之。始亦由君自任，今既中悔，亦無勸君始終者。達納耳曰：君豈欲終從事乎。土理曰：然。君徒遊戲，余則執業在茲。況證佐顯然，搜求亦易。死者雖葬，余責未卸，必絞我腦血以獲此罪人。達納耳曰：君所謂罪人，一似已得影響。土理曰：非也。惟不知故必力索。達納耳曰：矜倫之見殺於女，土理亟斷其說曰：殺矜倫者必非此女。試思柔弱之女子，何能操刀自衣外，搯男子胸。且刀非手槍比，用此刺人，微膽壯力猛者不克。達納耳曰：此女卽不與手，亦必同謀。否則何肯偕人入此術。君謂殺矜倫者必男子耶。土理曰：然。我聞第三車御者言，卽思得其故。所不解者，此男若女偕行之由。達納耳曰：君意云何。土理曰：當查此女名姓。達納耳曰：亦非易易。土理曰：余以理度，此案當在雷屋發源。試問君前以何術得矜倫名耶。我亦用君法。達納耳曰：如衣上無記何。土理曰：其冠緣曾著肆號，我已見肆主，岳脫夫人於利近街。知此冠爲三多哇女郎所定製。達納耳曰：是卽馬利亞也。土理領以首。達納耳曰：何以彼冠

戴死者首。土理曰：我當親詢之。馬利亞君謂此案與雷屋有涉否？達納耳曰：然。且於非利街銀行大有關繫。余於小利朋不能無疑。土理曰：小利朋恐無涉。達納耳曰：彼何以倉皇乃爾？土理曰：彼聞禡倫死，烏得無驚？君於此等處決人，得毋未審，惟樊斯見桶而踣，則殊突兀。達納耳曰：彼已詳言之。土理曰：彼言適背余想。彼謂前曾見此桶於禡倫處。及此案出而復見，故驚踣。此語亦多牽強。倘禡倫自有桶在，彼殺而復與以桶，何也？無則尸畔胡又置此？達納耳沈思久之曰：此未易斷。要之，此桶實全案關鍵。特不知麻謀兒統兵何如？土理曰：君何語及此人？達納耳徐答曰：案中事皆關涉。祕魯大奇一陶桶，自祕魯英戒墓中來。二兇刀又爲祕魯物。且他處所無。三禡倫之妻與其寄女，皆祕魯人。更麻謀兒統兵，又自祕魯來，爲死者友。各節可細按也。土理莞爾笑曰：禡倫豈爲麻謀兒所殺耶？達納耳曰：恐未必。第祕魯之行，似不可緩。按禡倫久居祕魯，妻又自祕魯攜歸。或在祕魯時，有人欲甘心之者，猝發於此。土理支頤答曰：或者如君所度，而余竊有所見，尙須細察。此因。達納耳曰：或往問桐那，當

能得辯倫行事。土理曰。曷言之。達納耳曰。彼必知其夫。於祕魯有無讐怨。土理曰。胡君腦中。但著祕魯。余未敢附君。鄙意欲先察辯倫所居。見桐那尙在其後。達納耳曰。得非杜克街屋耶。土理曰。然。今午後小利朋亦候彼所。余擬先閱視其所存之交際函札。與此案有涉否。達納耳曰。汝前日豈未措意。土理曰。以驗尸時。注念證據。後復料量葬事。遂無暇及此。達納耳曰。溯案出已閱一星期。恐有先君取其函件者。土理曰。彼管事豈容他人入室。君能偕往否。達納耳曰。余偵興已頹。謹謝不敏。土理笑曰。脫余於函件。得有端倪。恐君又躍躍心動矣。

第八章

辯倫所居。在杜克街室中。不華而潔整。足徵其雖擁貲富。而起居實儉約如平人。是屋主者曰米克。米克舊業管事。乍見土理。色漠然。畏且憎。土理有問。答甚恭。而語復無益。但云。辯倫君儼此。來去無常。雷橋之屋。本距市遠。此間特夜深偶宿耳。彼被殺星期六之夕。是日曾云。當詣意大利。約兩星期返。語時。在五句鐘。旋即出赴總會之

讖。十句半鐘復來。觀其狀。似曾從劇場歸者。此後事則非所知。土理曰。若亦知彼歸後復出耶。彼當夜未展臥具。曾見之否。米克曰。辯倫君平日若不懸鈴。則人不得入其室。是夕不聞鈴聲。實未便入。歸而復出。則余未之聞。土理曰。辯倫在此。常有客至否。米克曰。有。星期六日。有一客來。修軀而蒼色。觀其狀。是一他國軍人。授刺與辯倫君時。見刺有統兵字。土理愕然曰。得非統兵麻謀兒乎。米克曰。但記統兵字。至姓名。則遺忘之矣。土理曰。更有他客來否。米克曰。尙有一女。本常來者。統兵出。彼卽至此。土理亟詢曰。此女爲誰氏。米克曰。不知。旣無名刺。且厚翳其面。土理曰。脫再見。能認識否。米克曰。未能識。惟是日見其給車資時。第三指上一銀約指。上嵌特色之藍寶石。三。土理曰。是必藍色鑽石。余必設法知其人。來克驚曰。君得非謂此女與此案有涉否耶。土理聳肩徐答曰。是未可必。但我所知。必有一女在此案中。或卽其人。亦屬難料。

語次。小利朋亦至。遂偕入辯倫室。門乍闢。潮溽之氣逼鼻。似久無人居狀。中陳設皆

凌亂。囊篋類皆啟。雜拋客座中。入臥房。服堆疊甚整。若有遠行者。最射土理眼爲注意者。一南美洲巨箱。服實其半。沈思間。不覺脫口出曰。此箱祇合近游所用。小利朋似有厭色。曰。至意大利。猶以謂近耶。土理曰。適米克言。辯倫往意大利。兩星期卽歸。米克曰。然。土理曰。然則何必攜多服。謂小利朋曰。察此狀。似有久游者。小利朋曰。但聞至意大利。未聞其暫久也。土理曰。恐故。作是說。實則往他所。非勒不那。卽澳洲耳。米克驚曰。何故若此。土理曰。此時無所用若。若可去。俟呼再至。米克曰。我在此。果無用耶。土理指門令出。似逐之者。曰。有用若處。當呼若。米克乃怏怏而去。土理視其出戶。卽下鍵。回首視小利朋。其容頗不懌。謂土理曰。君何故驅米克去。土理曰。君於我無直言。今欲與君密語。小利朋有慍色。卽曰。何言耶。土理曰。君銀行亦殷實否。小利朋艷然曰。自然殷實。君何故忽究我業。土理曰。余所詢。以辯倫欲遁往南美洲故耳。小利朋盛怒曰。汝何由知往南美洲。土理曰。我知辯倫欲往奇那乘船至祕魯。小利朋曰。因何至彼。土理曰。余亦懸測。以其妻爲祕魯人。兇刀又爲祕魯製。二陶倫亦出。

祕魯。以此推之。辯倫之遁。必往利馬。小利朋曰。因何欲遁。土理晒曰。此正欲問君者。我知君必能具述其故。待君答。我當再覓。意大利舟券也。

時小利朋木然坐。土理卽至外室。見寫字檯。雜堆紙件。檢無舟券。復啟其屜。有鑰一事。土理此時心甚鬱悶。舉目視小利朋。似見其搜尋無着。若有幸色。噴然笑曰。君竟任意爲之。今若何。土理曰。姑緩。猶未覓竟。瞥見牆角懸一皮外服。是游歷所衣者。度辯倫買券時。必藏此衣囊。卽當夜易服出。必不攜券往。卽探手入囊。自念有則必在此。覺有紙觸手。大驚喜。出視之。乃兩券。可克船行所書。爲倫敦至奇那之舟券。卽曰。噫。尙有同行者。小利朋聞之一躍起。自土理肩後視之。竟二券。卽曰。君所料誠是。惟辯倫君何以至奇那耶。土理曰。必自奇那再乘舟至利馬耳。小利朋曰。由意大利至利馬。無舟可附。土理曰。從愛亞斯。卽有船可達。惟至奇者。此女伴爲誰。小利朋曰。何由知必爲女。土理曰。君卽不告我。辯倫伴侶。我亦知必與女偕行者。小利朋曰。得非卽彼之女耶。尙恐未必。土理曰。殺辯倫者非女。乃一男子耳。我知辯倫遇此女。欲

攜與同遁。殺之者非女所歡。卽其夫。因妒致殺。跡固顯著。小利朋憤然曰。決不如此。辯倫至愛其妻。必無外遇。土理曰。若然。則必涉銀行事。君亦知其有出入困難時乎。小利朋未卽答。聞叩門聲甚厲。驚相覷。土理卽起拔關。見樊斯蹙額倉皇奔入。後一高身蒼色者。亦有戚戚意。態狀似異國人。小利朋見而呼曰。麻謀兒統兵。復詢樊斯曰。何事。樊斯促其辭曰。遭竊。土理側耳注意。小利朋亟問曰。竊何物。樊斯曰。辯倫之密匱中。英金一萬鎊之鈔幣。不翼飛矣。麻謀兒卽操極熟之英語曰。此鈔實余物也。

第九章

麻謀兒統兵。蒼色粗膚。哆口而鈎鼻。體瘦而勁。黑鬚作菱角形。體輕靈。有儀表。惟目光閃爍。異文明態狀。或久處行伍使然。時形色倉皇。手支杖而立。樊斯依椅坐。面灰白。默然相對。須臾。麻謀兒曰。我於三星期前。以一萬鎊英金鈔幣。交存辯倫手。今詣行提取。詞未畢。土理僂言曰。君往覓辯倫君耶。麻謀兒曰。然。不意我金已爲烏有。卽面小利朋曰。汝主此行。當償余金。小利朋驚惶無措。答曰。須推究此中情事。卽謂樊

斯曰。君於此節。有蹤影否。樊斯曰。無。猗倫君但以所收麻謀兒統兵英金一萬鎊之鈔幣告余。渠先置此鈔幣於雷橋居室中。既欲至意大利。恐有失。遂攜至銀行。命余置匱內。渠手自扁鑄焉。麻謀兒在側曰。如此。則余萬金有着矣。樊斯又曰。今日麻謀兒統兵來取存金。余謂之曰。未奉猗倫君命。不能付。麻謀兒統兵欲一觀鈔幣。比匱啟。幣竟羽化矣。小利朋曰。猗倫君斷不取去。樊斯曰。然。余目擊彼手鑄之。土理曰。或猗倫君復返。樊斯曰。無見其返者。土理曰。或於人散後來。樊斯曰。若此。則門者必見之。行僅二門。鑰掌諸門者。有出入。不能避其目。土理曰。君曾詢門者否。樊斯曰。詢之。云未見。麻謀兒曰。此等事皆無涉於余。償余金。勿緩。小利朋曰。俟商諸我父。能設法。則君金不致無着。惟銀行不能任此數。麻謀兒以杖擊地曰。安得卸責。小利朋曰。君金非交存銀行。乃交猗倫手者。此責惟猗倫任之。麻謀兒曰。猗倫已死。何能償還。小利朋曰。渠產殷富。足償君金。余父乃理彼後事者。余當告余父。君果有字據。可於其遺產中提取以償。麻謀兒曰。有據。乃猗倫手簽者。又指樊斯曰。猗倫以此事告君否。

樊斯曰。辯倫君云。此金乃一黨會中之款。麻謀兒曰。我卽此會代表人。土理聞之。目睖睖視麻謀兒。卽曰。君會與祕魯有關繫否。麻謀兒曰。有與君不涉。土理曰。我豈陶俑耶。麻謀兒聞言。頓若錐刺其心。色怫然變。步欲前。復退曰。我不知汝所云。土理微笑不答。麻謀兒回身。復謂小利朋曰。此款期旬有五日。必償余。否則……小利朋亟曰。否則何如。麻謀兒曰。會中必有人與汝交涉語竟。卽出。

土理等無語。小利朋慍曰。彼敢爲恫嚇。未識蓄何意。土理曰。度彼意。或暗殺耳。樊斯聞之。躍起曰。何謂暗殺。土理曰。此麻謀兒係會中會計員。此祕密會。與意大利之卡埠那里會略同。爲愛國而設。以暗殺爲宗旨。反對政府。第設此等會。需款至殷。交辯倫之金。必會中款。可無疑義。辯倫旣死。會中人必取償於銀行。不償。恐代表人必受其害。小利朋曰。君嚇我耶。今日已無此等舉動。土理曰。不作此舉動。彼會中人。豈漠漠者。我恐有一人受戕。必有一俑爲識。樊斯大驚曰。如是則辯倫之死。豈亦此會殺之。土理曰。以理度。恐有是事。樊斯曰。何也。曰。度辯倫欲盜金潛走祕魯耳。樊斯曰。否。

否。余日擊此金藏諸匱內。土理曰。彼不自取。必有人承其命。隱取之。樊斯曰。君豈疑余承命耶。土理曰。余非指君。樊斯曰。此匱僅猗倫及余能啟鑰。余可宣誓未取。語次。顧小利朋。小利朋曰。我極信君。決不取此金。樊斯復謂土理曰。我豈笨伯耶。此五百鎊一紙之鈔幣。凡十紙一束。束凡二鈔幣。號數麻謀兒已別紙錄存。銀行主者亦知其號數。余卽竊得之一紙。無可用。且易於破獲。非徒無利。余雖愚。亦斷不出此。土理聞言。覺頗近理。乃釋然慰之曰。我亦信君無涉。特不知孰與此相干者。樊斯曰。余不知。余惟自信。余及猗倫皆未啟鑰耳。土理曰。匱鑰失否。樊斯自衣囊中出諸鑰。遴得其一。示土理曰。此鑰從未離余身。土理頷首。卽趨寫字檯。於屨中出猗倫所遺之鑰串一。諦察中一鑰。與樊斯所示者同。乃曰。猗倫君亦有此鑰。卽並審之。無少差異。默忖此鑰未竊。而匱金已失。何也。卽突語曰。其冠何如。小利朋大詫曰。君所云何冠耶。曰。卽女屍之冠。乃馬利亞所定製者。我亟欲一見。再與君言。

第十章

雷橋之居室。實俯臨泰姆斯河。由河中引睇。益瑰麗可觀。屋凡二層。廊闌周轉。窗戶皆法國式。與外臺通。臺設几榻。室槩以純白。極合於赤道之居。不知於英國地何取。中闢圃。栽雜卉。叢樹環繞。綠陰滃然。最宜於此。道熇暑。桐那在祕魯。多方消夏。居此間。則體大適。夏日偕其女姪馬利亞。時流連臺上。或懸網樹中。臥而蕩漾之。其逸樂無異在利馬時。當桐那聞拜倫之猝死也。體素柔弱。驚哀之餘。方寸怯替。家政因之凌弛。老利朋於巴黎得拜倫凶耗。立歸雷橋。見桐那病。乃請馬利亞爲之理家政。俟其允後。始往倫敦。理拜倫事。馬利亞既允老利朋之請。恐已異國人。不諳風俗。或難勝任。延哈公麗蝶女郎。臂助之。哈公麗蝶年二十有七。豔而慧。曾授馬利亞英文。居雷屋中者二稔。馬利亞英文卒業後。遂他往。臨別頗戀戀。在麗蝶以事不得不行。時在拜倫死前三月。茲得馬利亞寓書。卽來相助。而土理復約達納耳作雷橋之行。達納耳久厭此事。不欲與偕。曰。愧無能助君。余之揣度。竟與事愈遠。令人索然興盡。土理曰。是何言與。亟宜作健。余已探出爾許事矣。達納耳曰。誠然耶。土理曰。余悉拜倫

盜萬金欲偕一女遁因而遭害殺之者恐卽此女所眷人此萬金乃一祕密社會之款。此會以陶俑爲記。君聞此種種當爲眉舞。同往何如。達納耳曰。是未可信。半出理想。矜倫之盜金也。何據。其偕女而逃也。何據。爲妒者。刺刃也。又何據。土理笑曰。余所思若築室然。結搆粗具。君所指駁不翅將余甫營之室拉雜毀擢矣。雖然。余不妨更築。所以邀君者。特一往雷屋詢冠事。達納耳曰。恐未能得實。土理曰。如與此案不涉。必不默默。所奇者。何彼冠在死者之首。達納耳聞之。平時好奇之念。陡若潮湧。卽曰。我亦欲知其詳。不知何日偕往。土理曰。一句鐘。可乘滑鐵轆午刻火車。此去必不虛所冀。達納耳笑曰。姑妄行耳。卽同出車。至滑鐵轆車站。亟午餐訖。卽乘十二句半鐘之車。往雷橋。須臾已至。易快車。往雷屋。

途次。居墅園林。櫛比鱗次。從疎樹中見泰姆斯河。波光瀾渺。行二十分鐘。入一曲徑。抵雷屋。進柵下車。達納耳默念。以素無雅故之人。驟來探彼私事。似於理未合。在土理則職偵業。絕不介意。於是達納耳隨土理後。度不知進門時作何語。而土理卽出。

刺交門者。俄仍持原刺出。返之曰。主病謹謝客。土理卽以欲見馬利亞女郎爲請。復見拒。土理有愠色。曰。汝主母旣病不能見。故願謁馬利亞女郎。余爲偵探。奉職來查。辯倫君殺案。事至重大。馬利亞女郎。豈能不出。此數語。則頗得力。間數分鐘。門者出導。遂入一小室。土理周視。覺陳設精雅。自牖而矚。花木掩映。景物大佳。瞥見有女子偕一男。河畔緩步。喁喁相語。皆綺年美質。土理默念。伊何人耶。不禁脫口曰。或是馬利亞時。身後忽出清脆之聲。曰。馬利亞在此。土理大驚。回身見一麗者。修短合度。髮黑而澤。目若流波。脣朱而齒貝。態度綽約。是一西班牙好女子。特神情傲岸。其視彼二人也。貌之聞其抗聲曰。何事必欲見余。面向達納耳。而達納耳心神飄忽。迷離不能答。復詰土理。土理出冠示之。曰。此女郎冠耶。馬利亞曰。昔爲余冠。於數星期前。已給女傭。土理曰。傭何名。今已死。馬利亞詫曰。彼名仇廉白浪耶。而汝謂其已死。何也。土理注目視之。曰。仇廉白浪耶。已洞胸斃矣。

馬利亞聞仇廉白浪被殺。體顫。色驟變。欲踏達納耳。急挽以臂。頃之。驚稍定。歛於椅。氣若促。不任。微聲曰。自辯倫君死後。一聞此事。卽怖恐。可憫之女傭。胡若是慘死。馬利亞操英語雋雅。足徵麗蝶善爲教授。達納耳爲著作家。能判別辭氣益深。味其言。目其麗色。已早心醉。而土理視馬利亞爲案中要證。概不及他。曰。余竊有所詰。馬利亞傲然曰。何事。土理曰。無他。殺案耳。曰。余不知。土理曰。旣言仇廉白浪矣。馬利亞曰。以冠在彼首耳。設彼以此冠與人。奈何。土理從容曰。容有此請言死者狀。身修而睛碧。右鬢際有一創痕。是否其人。馬利亞曰。是也。仇廉白浪幼時鬢際曾受創於叢樹。嗟乎。可憫之女傭。何時被殺耶。土理曰。約一星期前。馬利亞問曰。一星期前爲何日。土理曰。是星期殘夜。距辯倫死後。約半句鐘。馬利亞亟曰。在何所。曰。巴德拉尼特河畔。曰。於新聞紙曾見此事。不圖爲余女傭。土理曰。此事當與辯倫君有涉。曰。恐未必。仇廉白浪又何與於辯倫。土理曰。此正余欲問者。彼二人曾在馬得里街。馬利亞亟問曰。彼殺辯倫君乎。土理曰。非也。有一不知姓名人。與之偕而辯倫被害。此人

卽偕彼至巴得拉尼特河畔。彼又飲刃也。馬利亞曰：是見殺於彼同侶耶。達納耳曰：是特懸想。或事竟相合。土理卽曰：不然。脫彼爲同侶所殺。何以亦有此俑。馬利亞陡聞俑字。大愕失色。土理乘機問曰：女郎何以知之。馬利亞疾答曰：我知何事。土理白衣袋中出陶俑置之。馬利亞膝馬利亞瞥覩。如遇蛇蝎。驚絕而厥。土理噴然曰：此知情必矣。

達納耳曰：君何心很至此。此女旣暈絕。可速擲鈴呼傭來。土理立止之曰：不能。余當拯彼。可取瓶水來。洒其面。余且攜有斯美林沙司。爲救急用。此女子受驚狀。余已見慣。達納耳取水洒其面。土理亦去斯美林沙司之瓶塞。執而承其鼻端。曰：待其蘇。則此事當白。須臾。達納耳喜曰：蘇矣。馬利亞吭中作微吁。色漸轉。目啟。徐徐起坐。土理已藏陶俑衣內。時馬利亞一若前事皆忘。少間。似復憶。卽起欲入。土理止之曰：必述明此事。乃可行。馬利亞曰：請恕予病。土理漫然若罔聞。曰：必答所問。達納耳頗憐馬利亞。卽曰：彼病矣。俟他日復詢也。可。土理曰：否。不能。俟。達納耳曰：然則必俟其允而

後詰土理。嗤之以鼻。曰：然脫馬利亞女郎有所懼者。言至此。馬利亞不俟其畢。卽曰：余何懼。悉聽汝詰。復就坐。以目斜睨達納耳。達納耳爲心蕩。土理莊其容。出一記事簿。問曰：女郎胡一見俑。受驚若此。馬利亞曰：此俑與辯倫君有關。驟見之。卽憶其致死之由。土理曰：辯倫何關於俑。曰：余不知其所以。惟曩日我見一陶俑。與此絕類。置辯倫君寫字檯。詢其何用。彼云：爲一黨會之記識。土理曰：是祕密社會乎。馬利亞支吾對曰：然。曰：是祕魯之祕密社會乎。馬利亞又支吾對曰：辯倫君惟云俑自祕魯來。未言此會在祕魯與否。土理曰：此會本末。女郎知之否。馬利亞曰：余所知者。已告君矣。土理曰：女郎爲祕魯土著否。曰：然。曰：然則當悉此祕密社會之緣起矣。馬利亞曰：君大誤。余實未聞。曰：得非俑事亦無道及者。曰：曩雖有所聞。亦與辯倫君所述略同。土理曰：女郎言果無所隱耶。馬利亞曰：無隱。土理曰：亦知辯倫與此會有往來否。馬利亞曰：彼從未言及。土理至此。不覺失望。又曰：女傭果名仇廉白浪乎。曰：然。曰：此傭受雇若而時。曰：近一稔。曰：以何日去。曰：辯倫君死前之一星期。曰：辭彼耶。曰：彼自欲

去。余甚惜之。曰：彼何故欲去？曰：知其欲適人耳。土理自語曰：是有一眷者在矣。我謂因妒而殺。猗倫洵然。既而復問曰：亦知彼所適者誰氏？馬利亞曰：未之聞。土理曰：然則仇廉白浪。平日曾有人呼與偕行否？馬利亞憤然作色曰：余非專探傭人之事者。土理亟謝失言。但不知仇廉白浪果否因此去。馬利亞曰：瀕行。我以此冠畀之。土理曰：彼在家。猗倫有何舉動。亦眷彼否？馬利亞曰：何能留意及此。非余所知。土理曰：大奇。何以彼至馬得里街相遇耶？馬利亞曰：汝何作此語？土理曰：我能出其據。馬利亞曰：君勿言。仇廉白浪在此。猗倫君絕不注意。以猗倫君爲人。乃與此傭約。余實不信。土理曰：然則猗倫曷爲易服？馬利亞歎曰：此事頗奇。與余不能測。君尙有何問耶？土理曰：猗倫身死之日。女郎曾詣杜克街居屋否？馬利亞愕然。少間曰：未也。土理驟然笑。意其謊語。

第十二章

雖然。土理雖知馬利亞之以遁辭答也。特陽爲不覺。脫攻其瑕。彼必詞窮。引去。則實。

情將終不可得。又憶米克所述。星期六日來。辯倫家之女客。曾御藍鑽約指。而馬利亞則無之。卽又覺其所言非僞。方躊躇間。馬利亞見土理不語。卽曰。我末次見辯倫君。在星期五之夕。晚餐後握別。彼云。星期卽往意大利。孰知間日而噩音遽至。土理曰。來告者伊誰。馬利亞曰。小利朋及樊斯耳。達納耳曰。此二人殆常至耶。馬利亞曰。然。樊斯爲辯倫君書記。安得不常至。土理瞪奇特之目。芒角直射曰。女郎疑何人戕殺辯倫者。馬利亞曰。余可設誓。余實不知。土理曰。然則謂無仇辯倫者。余實未信。馬利亞曰。亦非余所知。土理曰。仇廉白浪。曾有不滿於辯倫。道彼短處否。馬利亞曰。否。彼何敢向我道。道則余早斥去之矣。土理曰。辯倫之死。必於男子。女郎亦知仇廉白浪在馬得里街何事。馬利亞曰。君能指定彼在馬得里街乎。土理曰。必無疑。余覓得其尸於河畔。衣上花邊。掣去尺許。在辯倫手內。是則舍仇廉白浪外。無他人。馬利亞曰。彼何服色。土理曰。首卽此冠。衣麁色。黑花邊綴其上。女郎何以問及服色。馬利亞起立。有驚色。神情愴恍。自言曰。麁色衣耶。土理曰。然。馬利亞疾趨至窗畔。舉目外矚。

體栗然不自持。土理注目視。但聞馬利亞曰。我知之。我知之。可憐哉。土理前徐謂之曰。女郎知此衣否。馬利亞搖首欲語復默。少間曰。請恕余。余初不信爲仇廉白浪。今無疑矣。此衣亦余畀彼者。焉知彼遽罹此禍。土理曰。以余意度之。必爲彼所眷者。刺刃兼殺。計仇廉白浪役此有年矣。其所眷者必來訪。女郎曾見其人否。馬利亞曰。未見。或傭者當覲其面。土理曰。良是。卽謂達納耳曰。君在此稍俟。復謂馬利亞曰。乞引去。一見管事人。設不知。當詢諸門者。馬利亞曰。甚善。卽率土理去。

達納耳獨坐。心豔馬利亞。頗涉漫想。瞥二人自外入。殆不知室中有人者。首爲女。且行且笑語。一男子年可三十許。繼之進。驟見達納耳。卽曰。君亦在此耶。達納耳前與握手曰。不意於此遇馬丁謀君。男子曰。我襲愛爾蘭外家產。從其氏。今更名勃蘭克矣。然襲產已爲烏有。氏族則依然。何怪君之不識老同學也。達納耳曰。形容猶昔。無論在何所。余亦能識。勃蘭克卽謂女曰。余當爲介。此君乃老同學達納耳。君曾職律師。今則爲小說家巨擘。又謂達納耳曰。此女郎卽哈公麗蝶。不久余二人爲伉儷矣。

麗蝶向達納耳笑曰。余得覲君甚喜。達納耳視麗蝶美容姿。被服炫美。相與握手通殷勤。勃蘭克曰。我未知君亦與瑟倫夫人雅故。今以何事來。達納耳曰。我素未相識。茲與偵者偕至。麗蝶有驚色。曰。得毋以殺案事。達納耳曰。然。余第爲臂助耳。勃蘭克曰。君今又職偵事耶。達納耳曰。否。特藉此爲閱歷。麗蝶曰。曾值得幾許事。達納耳曰。無多。苦不得要領。勃蘭克曰。新聞紙所載。乃一人殺瑟倫。一人殺女。信乎。達納耳曰。余謂此二人實同斃於一人之手。麗蝶詫曰。君何言之決。達納耳曰。欲述余理想。甚冗。請括之。曰。殺瑟倫者。卽殺仇廉白浪之人。勃蘭克大愕曰。仇廉白浪。非馬利亞女傭名耶。麗蝶曰。然。彼旬有五日前。已適人矣。達納耳曰。不意彼亦遭飲刃之慘。勃蘭克听然曰。察此類事。甚有趣味。余亦願助君爲之。達納耳曰。此必先得土理允許。始可。勃蘭克曰。土理爲誰。達納耳曰。卽承辦此案之偵探。此時與馬利亞往詢傭者。言次。卽外指曰。返矣。見土理隨馬利亞入。達納耳曰。有舊同學勃蘭克君在此。卽介勃蘭克暨麗蝶於土理前。又問曰。所詢奚若。土理色頗不豫。曰。歷詢無見者。土理注視

麗蝶面。覺其蹙蹙然。若有不甯狀。而右手第三指間一約指。縮其上。嵌藍鑽石三。固燦然炫目也。

第十三章

時土理與達納耳欲出。勃蘭克以達納耳居處。筆諸日記。曰。容卽造訪。擬助君調查此案。達納耳至火車中。謂土理曰。勃蘭克願襄此案。君視其人允否。土理曰。毋害。特輕浮耳。語似難信。達納耳曰。觀其人。似與拜倫交好。故欲從事此案耳。土理問曰。勃蘭克。非麗蝶所眷者耶。達納耳曰。然。已訂婚約矣。於此案有涉否。土理曰。我意麗蝶。卽星期六至拜倫所居室中之女也。達納耳驚曰。果確耶。土理曰。確。彼右手第三指上。縮一藍鑽石約指。與米克所述竊面之女所縮約指。無稍差異。我初見馬利亞驚惶狀。甚疑之。彼時麗蝶之詣拜倫所也。曷故。達納耳曰。詣其主者何足異。土理曰。然。惟彼時麗蝶早辭教授之職。拜倫已非其主矣。由此觀之。乃馬利亞……未畢詞。達納耳曰。止。余不願聞。侵馬利亞之語。土理曰。噫。色之惑人也。如是。夫胡不思彼見簡

而驚厥。得毋可詫。達納耳曰。樊斯見俑亦如之。土理曰。馬利亞自解語。亦與樊斯同。咸謂於辯倫所曾見此俑。今復覩之。頓憶辯倫之慘殺。因而驚厥。然此說殊強。亦藉以掩飾耳。達納耳曰。然則君謂馬利亞有罪耶。土理曰。斷語亦不必。若此汲汲要之。馬利亞與樊斯皆不能置事外。彼二人者。知辯倫致死之由。但啟其緘。立可發露。達納耳不禁狂呼曰。馬利亞亦甚欲得此案兇徒。君豈未聞其語耶。土理曰。然我亦聞之。其如未肯直陳。何曰直陳何語。曰本末耳。達納耳曰。彼不知將奈何。曰。彼與樊斯或未知其詳。當知其半。參觀之。則兇徒自無所遁。達納耳曰。彼二人必箝口。何也。土理曰。以欲蔽一人。故隱之。曰一人爲誰。土理揚其目曰。若言桐那亦可。達納耳曰。嘻。君謔矣。曰。余第理想耳。試以各證據度之。此案有二端倪。其一因萬鎊英金。而辯倫被殺。達納耳曰。辯倫有此萬金。卻無證據。樊斯曾云。土理卽續曰。余知之。樊斯云。辯倫去時。金尙在匱。君亦憶遇辯倫時。彼似懷貴物防盜之狀。則彼挾資偕仇廉白浪遁者。非此金而何。達納耳曰。亦未可必。試問君。此金從何入辯倫之手。土理曰。或樊

斯次日取而與猗倫。達納耳曰：君豈不知樊斯星期五離銀行時。此金猶在匱耶。土理曰：君以何術確知。達納耳曰：乃小利朋所云。彼曾目擊此金置匱。樊斯即偕彼同出銀行。次日即病。土理曰：病者樊斯乎。小利朋乎。達納耳曰：樊斯。君豈未聞小利朋語耶。土理回憶小利朋所言。乃曰：誠然。我以為閒語耳。小利朋曾云星期六至星期二。樊斯未至銀行。達納耳曰：然則君之懸想。誠在情理之外。猗倫被殺。在星期三夜。樊斯何由交此金。土理以手拍膝呼曰：是仍未離余之理想。余仍信猗倫於當夕。即攜此金。此時姑置其說。請述第二端倪。達納耳曰：何事。土理曰：妒。達納耳曰：君豈疑桐那妒仇廉白浪乎。土理曰：非也。恐彼妒麗蝶耳。達納耳曰：以鄙意測。猗倫與麗蝶絕無關繫。土理曰：君何不將麗蝶於星期六之夕。至猗倫室。一再思之。達納耳曰：此豈能據以為證。土理曰：此即通情之據。達納耳至此。甚不耐煩。即曰：如此議。若搏沙為飯。終屬無益。勃蘭克果可允彼相助。余所得可述諸彼聽否。土理曰：可。或者彼能洩麗蝶隱事。達納耳曰：恐未必。勃蘭克君子人也。且與麗蝶有婚約。土理曰：我非冀

彼有意洩之。以其多言必失。不能自祕。或竟頓發其覆。覺悟已遲。君其罄所言以誘之也。可。達納耳似有不願狀。曰。君殆過於自堅其想。土理曰。偵探法。豈能事事踐實地耶。達納耳曰。我既允助君。必無同異。

達納耳歸。擗管欲有所作。而久不能屬。惟覺。馮利亞之一態度。一言一笑。皆緊繫於腦。滯而輸灌於耳目中。若飈輪之旋轉。無復有已時。雖竭力欲剗削拋棄。終不可得。綺思豔語。集於筆端。不知其落想之蕩軼。遂投筆而起。惘惘出門。意中髣髴可遇。馮利亞也。倦而歸臥。徹旦不成眠。日杲杲上。始疲寐。寤已十旬鐘矣。朝食設。無意親七箸。忽報勃蘭克至。則相與握手。勃蘭克曰。余不爽時刻。來共君早餐。達納耳曰。君來大佳。余胃病不能食。勃蘭克即移坐就案大嚼。若晴旭炙殘雪。頃刻都盡。且食且談。興趣奇勃。豪情快致。頓使達納耳神觀豁然。曰。甚喜見君。君腹尺。一如昔日在學校時。勃蘭克曰。已不如昔。曰。得毋有事不概於中乎。曰。非也。特此時省省耳。達納耳曰。如此。君何尚言婚事。勃蘭克曰。非必急急。麗蝶可待我致富而後結婚。彼此皆富於年。

不慮愆誤。達納耳曰：君思以何法致富？勃蘭克曰：非由事業，欲得之襲產耳。達納耳曰：得非又有一愛爾蘭親族耶？曰：非也。一嬖氏已病革，待其逝世，遺產即可承襲。達納耳笑曰：君直一無賴子耳。勃蘭克曰：然我爲一礪石，已旋轉十餘年矣。達納耳忽憶前案，卽謂之曰：君曾經南美洲乎？曰：故夙遊地，無論爲山陬海澨，皆著余足跡。達納耳曰：然則必至祕魯，曰：然。曰：亦過利馬否？曰：居其地者，且二稔。曰：彼風土人情，必盡悉。曰：多知之。其俗頗惡。達納耳卽出，備示之曰：君曾見此物否？勃蘭克驚視而頓失色。疾問曰：君何處得此物？

第十四章

達納耳見勃蘭克，惶懼異常，額汗若瀋，以極健偉之軀，幹亦荏弱如蒲葦，不風而戰。則此備所感觸者，頗爲激烈。回憶樊斯與馬利亞見備之狀，不啻如逢虺蜴，直欲令人寓目，痛發勃蘭克方酬對從容，興高采烈，今則睽瞋蹙蹙，則此備竟能使坦者怯，強者頹，亦奇詭矣哉。達納耳注目而思，默不作語，良久，勃蘭克期間曰：君其爲會

中人乎。達納耳佯爲不知。問曰：何會？曰：卽組織此僮之會。達納耳曰：君安。我不知此會。是時覺勃蘭克神稍定。倚椅言曰：君有白蘭地酒乎？我一見僮。覺心不我屬。達納耳聞其語。詫甚。卽就几傾白蘭地一瓊。與之飲。飲訖。勃蘭克頰潮殷潤。腕亦健勁。謂達納老曰：老同學。幾喪我命。初以爲今日死期已至。達納耳曰：惡。是何言。何能致死。勃蘭克曰：君出此僮。非欲致我命。而何達納耳曰：得非向有此例。一見僮。便可致命。勃蘭克曰：然。君得諸何所。胡以今尙生存。令我不解。達納耳曰：解亦易事。實告君。得諸癩倫身畔耳。勃蘭克瞪目視曰：是無怪其受刃也。復低語曰：君亦知此乃黨會中人主義耶。達納耳亟問曰：黨會奈何。勃蘭克曰：君何以謂我必知本末。我不過謂癩倫脫非見殺於會中人。必無此僮在其身畔。達納耳曰：此黨會每以此殺人。究爲何事。勃蘭克曰：請爲君言梗概。君當可推測得之。言次。卽趨達納耳臥室。四矚。啟戶。牖探視。若防人屬耳者。

坐定。達納耳曰：君何故作此怯狀。余可力任。此間必無他虞。不意此黨惟恫嚇膽怯。

者。勃蘭克曰。較恐嚇。辯倫事。尙有大者。達納耳曰。此黨會在何所。勃蘭克曰。在祕魯之利馬。曰。然則何以殺辯倫於倫敦。勃蘭克曰。此非余所知。姑畢余說。君勿以此黨會事。未載報章。或疑余爲漫言。語次。動目四顧。唇兀兀然。狀若甚悸。曰。余二年前在祕魯。困甚。無交識。不得已。掌記於蘇格蘭賈肆。入雖薄。差資朝夕。余習西班牙語。已熟。風聞利馬多金銀礦。偶得之。便足致富。我卽東西馳訪利馬土著。探諸礦所。在土人皆知之。以西班牙人虐待故。相戒不言。余因是歷冒危險。中一事。卽遇僮也。達納耳曰。此事必奇。奧可聽。願亟釋我疑。抱。勃蘭克曰。余一夕歸寓。時已深夜。且經途多僻寂。天冥黑。道上燈疏。落若晨星。我心怵然。恐宵小竊發。漸近寓所。陡聞呼救聲甚急。亟趨之。似有二人履聲疾馳而遁。則一人僵臥於地。氣奄奄尙能語。輒令我覓僮。達納耳至此恍然悟曰。彼遁者卽僮爲記耶。勃蘭克曰。然。余四覓。見僮一置地。卽授其人。彼乍見。色若死灰。昏不知人事。正欲詰此僮原由。覩其狀。大詫。幸其軀短小。我卽挾彼至廐。亟爲之謁醫。醫至。謂已不治。是夜果死。然余救治已歷四句鐘之久。

維時其人尙能備述陶俑端末。達納耳聞之。毛髮悉戴。曰。請亟言之。

勃蘭克數以巾拭額曰。此人爲派白罷。孟多柴其姓。家雄於資。爲人所引入D D 祕密社會。達納耳曰。何謂D D。勃蘭克曰。祕魯愛國會中。大半西印度人。欲興復英戒國家。以英戒墓中之俑爲表識。此俑卽……達納耳卽曰。我已知之。乃古祕魯殉葬者。勃蘭克曰。然會中凡有仇敵。卽先寄與一俑。爲索命之預報。殺一人。必留一俑於旁。達納耳曰。不虞此俑有盡時耶。勃蘭克曰。否。事後會中設法收回。譬孟多柴以洩漏會事致死。當時此俑爲余所收。余命幾爲所喪。達納耳曰。何也。勃蘭克曰。孟多柴死後。會中人訶知爲余拯救。俑留我所。自此日若有隱伺我者。險象百出。幸一友知會中祕密。命余速棄此俑。否且立殆。余駭甚。置俑於戶外壁龕中。不一句鐘。此俑已失。自此余坦然無事。達納耳曰。不知此會之主義何在。勃蘭克曰。與虛無黨略同。志在規復西印度舊制。處虐政下。拳拳故國之思。故專尙暗殺。以恫喝權要。達納耳曰。會中之資若何。勃蘭克曰。資頗富有。乃西印度人。昔與西班牙人戰。知其窖金之所。

悉發取之。資以組織此會。欲復英戒舊國耳。達納耳曰。述祕魯事詳矣。不知暗殺事。何以行至倫敦。勃蘭克曰。一年前祕魯政府。痛欲翦滅此會。被執者纍纍。後政府豔其多金。欲取之。而會中人已攜金潛遁矣。達納耳曰。麻謀兒非會中人耶。勃蘭克曰。雖未能實指。恐所不免。達納耳曰。彼亦攜會中金否。勃蘭克曰。當有所攜。分存不一所。若法蘭西。若意大利。若德意志。若西班牙。均有主此會者。卽密儲此金。不知麻謀兒有若干數。恐彼乃會中會計員也。達納耳曰。我知彼款至英金一萬鎊。勃蘭克詫曰。君何由知之。達納耳曰。辯倫未死前。彼交存之款。有此數。勃蘭克曰。辯倫死。此款若何。達納耳曰。未知歸何所。勃蘭克曰。曷言之。達納耳曰。此金已竊去矣。勃蘭克曰。竊者爲誰。達納耳曰。何人殺辯倫。余尙不知。烏能知竊金者。今者。土理已允我將此案情告我。當爲君述。勃蘭克曰。謹願聞。達納耳歷舉始末。特不言麗蝶約指事。餘皆無所隱。勃蘭克引耳以聽。至達納耳述畢。躍起曰。君所述。頗合余理想。由此可推得殺辯倫與仇廉白浪者之主名矣。達納耳曰。余不敏。不能卽得。君度爲何人。勃蘭克

曰。以。余。度。之。死。者。受。創。同。必。出。一。手。兇。徒。其。麻。謀。兒。乎。

第十五章

土理本不冀徼幸得此案底蘊。竭無數心力口舌。始有此種證據。而此證據中。卒未能得兇徒主名。所揣測者。樊斯與馬利亞欲蔽柵那耳。要之捕風捉影。杳難得實。比達納耳以勃蘭克所述事。覩縷告之。土理則信其前。疑其後。謂辯倫當夕所攜之款。一無證據。至失金事。至辯倫死後三四日始發。麻謀兒未必預知失金。以此度之。決其無殺害辯倫之舉。又據第三車御者所見。仇廉白浪偕一男子至河畔。當時除第三車外。馬得里街前無隻輪在者。雖麻謀兒亦在徒步。何能追及。設與仇廉白浪同車之男子能使麻謀兒往殺辯倫。又何肯聽其復殺仇廉白浪耶。達納耳曰。或與仇廉白浪同車者。卽爲麻謀兒。土理曰。此說尙可通。要亦就脩而論。惟麻謀兒我決其必非殺辯倫者。達納耳曰。然則就勃蘭克所述。據理推之。則此二人者。實爲黨會中人所殺。土理曰。良然。麻謀兒既爲會中代表。當隱伺察之。達納耳曰。執之何如。土理

曰。以證據猶未足。必值實乃可。蓋土理之意。不欲措意於麻謀兒。而麻謀兒亦數來詢探。並願備質。所述祕魯愛國會情形。與勃蘭克言。若合符節。惟諱言暗殺事。且力白其無。謂此會宗旨。實光明磊落。有銜之者。竊數桶去。置被殺之尸畔。欲圖嫁禍。累我社人。又云。辯倫被殺之夜。曾觀優於劇場。旋至友人所。作葉子戲。夜將盡。始歸於此。可證其並無殺辯倫及仇廉白浪之舉。土理聞麻謀兒言。意頗自得。以不出意料外也。卽走述諸達納耳曰。君可知余想之不舛乎。達納耳曰。此案係會中人所爲。麻謀兒卽不躬自殺人。或者隱爲主使。土理曰。此漫言耳。我以妒字決之。達納耳曰。我則謂非妒實盜。辯倫之死。由竊金所致。土理曰。然則麻謀兒當時未知失金。決無殺辯倫事。達納耳以手掩耳曰。噫。君曾循舊徑。余實不敢從同。不意達納耳此言。竟如有先知者在。

自是復閱三四日。案無眉目。土理於失金事。雖探訪不遺餘力。卒未得有端倪。麻謀兒所列被竊鈔券號數。而外問覓一紙不可得。似恐爲人知。藏而不用。至驗尸時。失

鈔事尙未發見也。土理慮爲各報館所知。於此中事。祕不稍洩。以一經報章。傳播。則我法立敗。犯事者。轉歷。歷有以測我。我反關捩。無所施。非徒無益。實於事機。大窒一日。忽有婦。踵土理門。欲見。不肯道姓氏。比入。則一頤長偉碩者。衣元服。羃面。直至寫字房。揭巾。始見爲中年婦。頗饒姿致。眸灼然。爛視。隱具剛傲之態。自陳爲喬倫妻。口作他國語。土理曰。喬倫夫人。桐那耶。婦曰。然。余已至警察署。覓不得君。或謂君歸。故來此。此案兇徒。有消息否。土理曰。惶恐甚。屢偵未獲。桐那曰。君何言兇徒爲男子。土理曰。以理決。桐那曰。誤矣。殺余夫者。實一女子。土理曰。夫人何由知。曰。非他人。乃哈公麗蝶也。土理詫曰。喬倫夫人。得毋偶誤。曰。馬利亞與麗蝶。皆與余爲仇。余可矢言。決非誤指。土理曰。有證據否。桐那曰。余始述其緣起。余與夫。夙敦伉儷者。及麗蝶。至余家。波瀾疊起。且與余夫。有曖昧事。蓋麗蝶。素窮空。豔余夫財。百計蠱之。冀遂其慾。余夫爲所惑。移愛。余者。愛彼。視余爲贅疣。十年靜好情。棄若敝屣。土理曰。若何。萎。曷不排之去。桐那曰。余夫力袒彼。余何能爲。後余云。脫麗蝶。必居此者。我當往。祕。

魯言至此。氣盈。涌胸。隆隆然。土理曰。然則麗蝶究離雷屋否。曰。離。余矢言。三人中必一人離雷屋。麗蝶去後。余知其復於城中與余夫聚也。土理至此。自忖。星期六夜。至辯倫市上室者。必麗蝶無疑。桐那又曰。余又知余夫欲挈彼同遁。余夫聲謂獨至。意大利實則擬與麗蝶偕。既而麗蝶復憎余夫齒長。乃嗾其所眷者殺余夫。土理曰。彼所眷得非勃蘭克乎。桐那曰。非也。彼與勃蘭克僞相愛耳。實則專屬諸小利朋。土理愕然曰。得毋非是。桐那曰。余豈有謬言。勃蘭克妄謂其眷已。不知彼與小利朋。真若以膠投漆也。君不信。詞之立見。土理曰。容余密察。惟麗蝶之情。或屬諸勃蘭克。或屬諸小利朋。姑不論。要之必非殺辯倫君者。桐那聞之。艷然盛氣而出。

第十六章

是案。複雜之事。殊出意外。辯倫平昔僞愛桐那。而私於麗蝶。麗蝶復僞愛勃蘭克。而私於小利朋。似此複雜。徒使從事者若手拈棼絲。莫覓端緒。而土理則立意以光明手段。見麗蝶。暨小利朋。擿伏鉤深。以證桐那所述。次晨。卽車詣非利街銀行。投刺於

小利朋。比入室。小利朋頗有不耐酬對狀。而土理洋洋若平時。絕不介意。從容笑謂曰。今日氣候頗適。小利朋目他視。徐答曰。誠然。君左顧。特此之言。土理曰。非也。以案事不得不瀆。曰。君索言之。土理曰。余昨與猗倫夫人見。小利朋若有驚態。亟曰。彼作何語。土理曰。彼言及其夫私於麗蝶。頗怏怏。小利朋大呼曰。此真謫語。既而低語曰。婦人多嫉。固如此。猗倫君向以至誠待其妻。其妻夙本強。猗倫君每無意中譚及婦女。其妻必疑其有私。誠足嗚噓。土理曰。渠不僅訾其夫。並云麗蝶與君果隱相眷愛者。小利朋色驟變若死灰。少間復作頰色。一躍而起。恚曰。君乃來此辱我耶。土理曰。君胡出此言。麗蝶並不專愛。良以……小利朋不待語畢。卽曰。君此想胡自而起。土理聞之意甚得。乃曰。彼已與勃蘭克訂婚矣。小利朋俯首喃喃。自語聲頗細。似詈勃蘭克。復往來蹀躞不已。土理乘機問曰。君果愛麗蝶否。小利朋怒曰。與若何干。土理曰。不得謂無干。我欲知麗蝶事者。疑與殺案有涉。小利朋曰。咄。麗蝶實一貞潔女。土理局局然笑曰。然則猗倫被殺。日彼尙至其市上之居。言至此。小利朋起而疾扼土

理之。吭。土理雖肥短。然力勁。以手擻其肩。不數分鐘。小利朋已爲按坐於椅。氣若牛喘。髮際汗溢如漿。土理笑曰。先生少憩。君事我皆洞悉。君不愛麗蝶。果誰愛者。小利朋曰。此乃實情。君言其往觀。猗倫。抑何謬妄。土理曰。姑俟數日。當以證據示君。彼當時本欲隨猗倫往。意大利。以猗倫被殺。事遂不果。小利朋曰。余始終未信。麗蝶於猗倫。於勃蘭克。皆非眷者。方寸中惟著一我耳。土理笑曰。我意彼惟知有己。不知有人。小利朋曰。無論如何。彼與此案。固風馬牛不相及。土理曰。余則不能釋然。小利朋曰。然則君將詢諸麗蝶乎。土理領首曰。然。疾趨而出。

小利朋嗒然若喪。沈思久之。憤甚。冠而趣出戶。乘車馳至滑鐵轆站。適有車往雷橋。卽買券欲上。繼思土理恐亦往彼所。乃避於站後。伺土理至。頃之。土理果來購券。疾進。火車。小利朋乃中止。又慮爲土理覺。察卽碎車券。趨電報房。電致麗蝶。是時土理初不料小利朋神速。乃爾。意頗以爲有望。車中自策畫。桐那何以旣恨麗蝶。又容彼在家。似其語亦未可信。終當設法。鉤致麗蝶隱情。方能了了。旣而抵雷橋。下車徒步。

往體肥。艱於步。竟三十分鐘。至雷屋柵。瞥遇一童。乃管送電報者。正欲上自由車。土理猛然悟。必小利朋有電。至乃呼童曰。小友。可知此間有一女。曰哈公麗蝶者。居何所。童卽指雷屋之門曰。我方送電報。卽在此中。土理曰。汝大敏慧。贈以一先令。童子喜受。登車馳去。土理思小利朋既電知麗蝶。其狡捷可爲絕倫。麗蝶卽有準備。姑棧機鉤距之。至門。閣知爲偵探。又承辦猗倫殺案者。遂迂導入室。卽前見馬利亞處。刺入。麗蝶出。眇容靚飾。見土理亦頗致敬。土理隱啗其狀。是小利朋電有以致之。揣其情。余臆所欲問者。彼已預知則機鋒相鬪。處亦殊有味。時麗蝶謂土理曰。別後無恙。日夜盼君來。告余以兇徒蹤跡。土理曰。余竊有請。亦知平日仇猗倫者爲誰氏。麗蝶怫然曰。焉知此事。余非朝夕於猗倫君者。土理曰。若頗昵彼。且曾過其杜克街居。麗蝶睨視之曰。君言何突兀。母乃有意辱余。土理曰。願見恕。惟若究何事。於星期六至杜克街猗倫居室。麗蝶曰。余何曾涉跡其地。土理勃然曰。勿諉。若密竊其面。謂人未識。不知若於約指。尙未檢點也。麗蝶聞之。有驚色。曰。約指耶。余今始曉然。曰。何也。麗

蝶曰。少埃。卽一攝鈴。有傭入。麗蝶與耳語。傭去。復謂土理曰。我實未詣穉倫君。非無可證者。土理曰。此約指。頗殊異。若付車資時。已有人屬目。言次。麗蝶曰。馬利亞來矣。卽見其娉然入。意似戚戚。瞥見土理。若有所愕。勉一鞠躬。旋向麗蝶曰。若胡事速。余麗蝶卽以所御約指示之。曰。若將余失此約指本末。爲土理君一述。馬利亞蹙然曰。與彼何涉。土理曰。以有涉。故請若言。馬利亞曰。二月前。麗蝶於園中失此約指。衆爲久覓未得。至穉倫君死前一星期。余偶於花盆中檢得。卽御諸指。後晤麗蝶返之事。盡於此。土理曰。返以何日。馬利亞曰。在穉倫君死後。麗蝶至余家時。土理曰。未返之前。常御諸指上否。馬利亞曰。然。土理曰。是否在右手之第三指。曰。然。胡詢及此。土理曰。以有人見若御此約指。於星期六至杜克街穉倫君之室。然否。馬利亞色頓變。強應曰。然。土理曰。若疇昔向余作謊語。今日殆又故技耶。馬利亞昂首呼曰。何謊之有。

第十七章

麗蝶聞馬利亞述至御此約指。往見穉倫。則意得甚。對土理益傲岸。曰。君當釋然矣。

當日我既未御此約。指亦未詣。爾倫君所君得。母未審。土理有愧色。曰。容或有之。然若當代利朋任過。麗蝶淡然對曰。君所云其老利朋耶。曰。非也。乃小利朋。卽發電致若者。言至此。麗蝶頓失色。曰。何以知其發電致余。曰。一童子送此電。爲余言。麗蝶曰。彼云余接此報耶。曰。然。曰。曾言發自小利朋乎。土理漫應之。曰。然。又曰。余度若必不願承認。曰。何故。土理靦然曰。何必乃爾。小利朋乃眷汝者。麗蝶曰。此誠聞所未聞。土理作縮鼻笑。曰。與勃蘭克亦聞所未聞乎。麗蝶大恚曰。若辱我乃至是。蓋土理故以言激怒麗蝶。欲使其於狂憤中洩露情實。卽曰。余直言耳。胡云辱。密司馬利亞想亦爲然。若正大幸眷若者。且三人復自語曰。今則僅得其二矣。馬利亞方默坐其側。聞土理語。目睨麗蝶。使麗蝶羞忤不敢仰視。旣而陽爲不知者。曰。余誠未喻所眷爲誰氏。土理曰。婚約則勃蘭克。心契則小利朋。已死之爾倫。果傾心於若。麗蝶至此。益自慚忸怩而言曰。余與勃蘭克誠訂婚約。若小利朋則泛泛耳。土理曰。泛泛者且發電矣。麗蝶曰。此電乃小利朋爲余圖得一業。故亟諭余。亦余所諄囑者。土理曰。能以此

電見示否。曰不能。已手裂。曰裂紙在何所。曰已投諸爐。火土理曰當此炎夏。猶向爐取煖耶。言次麗蝶轉媿爲怒。曰若須知此電與人無涉。何能索覽。土理曰余知之。特與殺案有涉耳。麗蝶聳身起曰。若何故枉余。曰何敢。亦未專指若。然誰爲之者。若必明悉。麗蝶曰此乃妄言。殊不耐。乃復就坐。馬利亞曰余知是言非妄。至是馬利亞與麗蝶駸駸欲交謫矣。

土理則竊喜。必二人迕始可吐實。始也麗蝶不知馬利亞欲揭其何事。方睽睽視而馬利亞則徐曰。余姑頗不善。若與猗倫所爲。第余實未信。甯有已婚之叟。年可居父行者。貿然爲此。而余姑欲使余遠若。余固弗聽。故有此招邀。麗蝶曰胡事喋喋。非若欲余言其事。又何延余。馬利亞曰得毋臆度。余所以速左顧者。欲乞伴余姑。詎姑不欲。亦以猗倫君有累清譽耳。麗蝶頰頰曰未確。若當知至猗倫君市屋者。非余也。馬利亞曰知之。但若使女傭仇廉白浪往馬得里街。有否。土理聞之。疾起進詰曰。誠有此事耶。馬利亞曰甚確。可出證據。麗蝶惶急無自容地。土理一注目。麗蝶卽避面顧。

至此亦無如何。姑漫言曰：若有何證據。馬利亞曰：證以麤色黑邊之衣。土理頓憶昔日馬利亞之語。卽曰：是若衣耶。曰：否。乃麗蝶物。土理曰：但若曾言……詞未畢。馬利亞頰盡殷。曰：曾謊言爲我衣耳。蓋欲全麗蝶名譽。卽謂麗蝶曰：余爲若友。已竭力爲緩頰於余姑。盡區區之誼。茲若以約指事欲嫁禍於余。獨不思余曾保若名者。今請與若絕。亟離此。幸勿再至。時麗蝶面忽赭。忽灰。卽起立曰：余固當去。但第一。土理卽截其語曰：第一。若須將仇廉白浪。因何取若衣。言之毋隱。麗蝶曰：是余畀彼。與馬利亞畀冠事一律。脫凡有棄物。爲人取去。卽可作罪證耶。則馬利亞與余固皆同罪者。馬利亞曰：余畀仇廉白浪之冠。爲時已久。當彼辭我之前。距殺案出。已一星期矣。若之衣。正星期六出案之日。土理曰：案出在星期三夜。馬利亞曰：其前一日。麗蝶在辟格堤所衣者。卽此衣。麗蝶曰：余未衣此。馬利亞曰：若之衣此衣。有樊斯君可以爲證。必若以衣與仇廉白浪。令冒若而往給辯倫君。土理回思舟券二紙。歎曰：由是言之。此女乃欲同往奇那者。麗蝶曰：非也。是皆妄語。余因何欲晤辯倫君。且余實未覲彼。

面。馬利亞曰。若非令仇廉白浪衣若衣而去耶。麗蝶曰。未也。仇廉白浪前至余所。云次日當結婚。余以此衣無所用。卽舉以爲贈。仇廉白浪亦未言往會何人。比聞其死。駭出意表。言至此。厲聲曰。余甯能在此受恥辱耶。當辦嚴他往。土理於二人言。筆諸記事冊。頗匆迫。及聞此語。卽曰。此策之最上者。麗蝶返顧土理曰。請若一詢馬利亞。密往會辯倫君何居。語竟。盛怒去。土理掣記事冊一葉。謂馬利亞曰。請遺紀綱。馬利亞一擲鈴。僕出。土理予以冊紙曰。趣投雷橋車站電房。以自由車去。更速。僕唯唯出。馬利亞詫之曰。此電何此急急。土理曰。寄我友達納耳。令遣一偵者。往滑鐵轆火車站。以待麗蝶。馬利亞曰。君欲拘之否。土理曰。時尙未至。特以一偵者隨。則一舉動在伺察中矣。密司。今當答我數語曰。然願爲助。土理曰。當日果遇樊斯否。曰。遇諸辟格堤里。曰。預約耶。曰。否。曰。彼曾遇辯倫否。曰。余所未知。曰。然則彼距銀行遠。在西恩何事耶。曰。彼言爲小利朋勾當事耳。曰。何事。曰。不知。曰。若見辯倫乎。曰。見之約十分鐘左右。曰。公耶私耶。曰。私事。土理曰。能語我否。曰。不能。曰。得毋苦

斬於言耶。馬利亞曰：非也。

第十八章

土理老於更事。能忍耐。非易。嗔怒者。然當離雷屋時。頗有慍色。蓋從未遇女子固執。若馬利亞者。於見辯倫本末。闕不吐隻字。雖飭之不能得。土理以長於詰問。自居至此。亦爽然返。怏怏不能愜。初願至市。聊小食果腹。乘車至達納耳。所達納耳以麗蝶情事告云。麗蝶行攜一小篋。余以語偵者。卽躡踪去。土理亦述馬利亞答言。達納耳聞之。尤土理而譽馬利亞。土理滋不悅。曰：君與彼感情若是之摯。甚矣。其慎於色也。達納耳曰：余無飾言。誠世界中難得尤物。土理曰：一固執女子耳。然我於彼所知者。差能爲此案研鍊具。達納耳曰：特君自爲揣度。土理曰：彼與樊斯必有關係。達納耳意色若甚惡。曰：是誠何意。土理曰：君勿恚。余非謂彼二人有眷愛事也。達納耳曰：任君推測之。土理曰：彼二人之關係。卽此案關係。達納耳曰：君謂彼二人知兇徒蹤跡耶。土理曰：尙未探察及此。然彼二人必非無與於俑者。以二人見俑驚狀若一較勃。

蘭克爲甚。推勃蘭克所述此黨會。與禡倫及仇廉白浪。必有相關。達納耳曰。然則麻謀兒所爲。君何又未信。土理曰。前已論及。勿贅言。姑思樊斯與馬利亞事。何於星期六二人相會於西恩。達納耳曰。亦偶然耳。土理曰。余不信有此偶然。旣不能得諸馬利亞。當往探樊斯。諒未必深閉固拒如馬利亞也。達納耳冥索良久。曰。然則君疑馬利亞。樊斯不能去。抱得非於疑麗蝶者少減乎。土理哈然笑曰。我亦不知如許事。旣伺察麗蝶。必有所得。且此事已告諸馬利亞矣。達納耳曰。衣事君以爲何如。土理曰。馬利亞之意。余頗信之。意禡倫有愛於麗蝶。而麗蝶惟圖利己。致桐那深疑。彼允禡倫同往意大利。又令仇廉白浪衣己衣代往。禡倫以其羃面不可見。僅見其衣。遂認爲麗蝶。於是……語中止。達納耳亟問曰。於是若何。土理曰。餘則余未能測。君姑測之。達納耳曰。將謂仇廉白浪有所眷者。隱尾之。因妒而殺禡倫。土理搖首曰。否。否。是則死者僅禡倫耳。必無復涉他人。且余已在雷屋遍詰僕從。亦未言仇廉白浪有外遇。君理想恐未當。不知勃蘭克作何言。達納耳曰。彼則專指麻謀兒。土理曰。麻謀兒

若何。達納耳曰。今日遇彼。云所失鈔幣。脫終不得。則會中必有交涉。土理曰。愚哉。若以爲此間竟如祕魯。可咄嗟殺人。余姑別。詰朝當往見樊斯。卽匆匆去。在土理意。謂探樊斯。當較易於馬利亞。孰知樊斯乃一依違無主者。反不若馬利亞之有定力也。而土理則持一必得之見。謂必不虛此行。

次日十二句鐘。土理至非利街銀行。刺入樊斯。頗不懌。以其職偵事。不得不見。卽導入辯倫書室中。土理頓憶前曾過此。乃作戲語曰。此間爲置密匱所。惜乎匱不能語。以實事告余。樊斯矐目曰。何謂實事。土理曰。卽失去之鈔幣。君不必介介。僕知君非作此事者。惟余亟欲知竊者主名。君諒曾徧跡。得消息否。樊斯曰。未也。歷調之。均無影響。君以此枉駕耶。土理曰。不僅爲此。竊有所問。辯倫被殺之日。君非有辟格堤里之行乎。樊斯曰。彼於星期被殺。是日余固不在西恩。土理曰。何必計較時日。若是清晰。辯倫被殺於星期三夜。余云星期六者。從語便耳。然則是日君當在西恩。樊斯曰。誰言之。曰。三多哇。曰。是馬利亞耶。曰。然。彼在辟格堤里。下午遇君。樊斯曰。時值公暇。

遊跡一任所之。君必欲刺刺。余無所闕。辟格堤里之行。爲小利朋事耳。土理以其言與馬利亞符合。卽亦不復追詰。遂乞樊斯爲導。周矚此室。曰。樊斯君。此室極舒暢。曰。此乃辯倫君密室。余以老利朋命。暫處此。清釐辯倫計簿。土理曰。曩辯倫他出。君常在此否。曰。在。土理曰。然則星期六。君必在此。曰。然。土理領首。又曰。尙有誰可入此室者。樊斯曰。人頗夥。土理曰。皆與銀行有交涉耶。樊斯曰。有者大半。土理曰。然則馬利亞來否。曰。來。我不爲之諱。彼固以事來者。曰。何事。樊斯若有不豫色。然曰。必欲余言耶。土理曰。君固不願。及有關於馬利亞。不能播諸口者。儘可不言。蓋土理故作此語。探樊斯與馬利亞愛情之有否。而樊斯則坦若不聞。無幾微動色。土理於此。知其無所私。俄而樊斯曰。余於馬利亞。無不可言者。君欲知何事。余必不悛口說。君亦知馬利亞之來。乃辯倫君令取舟券耳。土理曰。得非至意大利之二券。曰。然。乃辯倫君偶遺於此。故令馬利亞來。余覓與之。諒馬利亞卽往杜克街交辯倫君矣。樊斯此言。實爲馬利亞解。而土理默忖。旣無所關。何以馬利亞堅不肯認得母。其漫言欺我乎。方

欲追問。聞叩關聲。啟戶。則麻謀兒入。有憂色。見土理。卽曰。警察員在此。余正擬往覓。土理與樊斯齊詰曰。何事。麻謀兒曰。鈔幣事耳。卽出置之。案曰。此卽一萬鎊鈔幣。昔夕始返我者。

第十九章

此案奇幻。至不可思議。土理涉歷多矣。至此亦瞠目繹舌。此一卷鈔幣。胡自得耶。亟待麻謀兒詳其事。麻謀兒就坐。撫鬚謂土理曰。謫哉此事。余居舊民街之苟富旅館。昨夕九句鐘。有一素未識面者。以此卷鈔幣。授旅館閤人。令轉交余手。時適余往觀劇。夜半始歸。見此鈔幣置案上。敢視。卽會中款。余大奇詫。至達旦未寐。今晨至君辦事室。適君他出。故攜詣樊斯君。言此款已得不意於此。遇君卽以奉聞。樊斯以手擊几。曰。事乃奇詭。至此土理目注此鈔。竭索其故。不得。卽曰。嘻。誠詫聞聽。又思得非麻謀兒所爲。然度彼亦無須作竊。金本彼所存。旣取之。何必返。麻謀兒見土理沉思狀。卽曰。君以爲何如。土理曰。未有稿見。樊斯曰。任如何。足徵辯倫君未竊此鈔。斷無已。

死者持還之理。土理曰亦然。或者瘠倫懷此金。爲他人所竊。旣而竊者內不自安。因而璧返。麻謀兒曰。君說亦太拙。脫有人因此金。殺二人。躬蹈危險。返金必無其事。土理顧麻謀兒曰。我曹當易法察之。第余有詢於君者。君曾見返鈔者否。曰。余已言其時方出觀劇。後由閣者交來。土理曰。閣作何語。曰。彼云一紅鬚髮者。土理曰。是又與瘠倫同一偽裝。或爲一文士。麻謀兒曰。其人罩外服冠。沿下蔽。閣者僅見髮與鬚耳。土理曰。作何方音。曰。彼僅作四語。焉能立辨。土理曰。是何四語。麻謀兒曰。彼云此件與麻謀兒統兵。卽以鈔卷交閣者。反身而去。土理曰。此人其兇徒耶。樊斯曰。未必。脫殺人者。斷不肯冒此大險。或此事竟不相聯屬。土理曰。然則何以同在一時。樊斯曰。偶然同時。亦事理所有。麻謀兒乃出鈔幣。使二人觀。曰。又有不解者。請視此若干鈔幣。土理曰。是原璧耶。麻謀兒曰。否。號已不符。土理曰。是故易其號。足證此人狡獪莫測。麻謀兒曰。余有抄存之號目紙。卽前交瘠倫者。君一讐之。土理時益慙慙。乃曰。此中與幻實難驟解。言次。將麻謀兒號紙與鈔幣逐相核。無一號符合。惟張數及每幣

之金數同耳。卽曰：麻謀兒統兵，是可駭詫。每張五百鎊之鈔幣，易之殊非易。乃遽至二十張之多。咄咄怪事。樊斯曰：君因何言返鈔者爲兇徒。土理曰：無他。以此鈔幣，乃殺辯倫原因耳。樊斯曰：如此，則辯倫君當日夜行時，其懷此鈔幣乎。土理曰：君曾言彼未嘗取諸匱內耶。樊斯曰：辯倫君行後，其鈔幣固猶在匱。土理曰：然則何人能取此。必有人具此鑰者，不翼而飛。決無是事。樊斯曰：我亦作是念。願君勿疑鈔幣之在匱。小利朋與余實目擊之。後余卽抱病。倘余果爲佻篋者，必設法以挂麻謀兒統兵。決不肯言此鈔已失。時土理分錄號日於記事冊。隨答曰：君言何不憚煩耶。余何嘗敢疑君爲竊。樊斯意頗不適。麻謀兒卽藏鈔幣及號紙於衣囊中。起攜冠曰：余事已竟。辯倫事與余無涉矣。土理曰：麻謀兒統兵徐之。君與馬利亞不得謂無素也。麻謀兒曰：與君何干。土理曰：誠無干。但余知若二人頗眷眷耳。麻謀兒曰：有無眷眷私事，非他人所能聞問者。遂睨視土理而出。樊斯默然微笑。

土理雖滋拂意，而志愈堅忍。謂樊斯曰：利朋在辦事室乎。樊斯曰：父若子皆在。土理

曰。我欲見其父。勞君代白之。樊斯如言。須臾。土理入見老利朋。其形態則小利朋誠爲酷肖。曰。謁君有數語欲問者。曰。君職偵事。承辦穉倫殺案耶。曰。然。乞君助我。曰。可助者必不恡。冀兇徒速獲。爲長者洒恨。土理曰。君以穉倫爲長者乎。曰。然。彼乃誠篤君子。土理曰。得無有過失耶。曰。人孰無過。君何肯問。土理曰。君果能答余所問。則所以裨余者匪淺。曰。君欲問者。願盡言。土理曰。穉倫生平之過。孰爲最大。曰。其過在買空賣空。並皆不穩。土理曰。得毋有虧蝕否。老利朋沉吟有頃。曰。然。殊有虧蝕。土理曰。若此。使穉倫猶生存。必一敗塗地矣。老利朋色不怡。曰。君何遽作此語。曰。余非刺彼者。曰。未實。土理曰。我能度君不言之故。穉倫虧負已巨。無法可設。惟圖潛逸。此萬鎊鈔幣。爲彼扁筲。不知以何術得之。彼擬借麗蝶。遠美洲。事未成。被殺。此說信否。老利朋叱曰。妄言哉。

第二十章

土理以馬利亞爲固執女子。而老利朋則一笨伯耳。吝而復。凡一事。入腦際。百計不

能舍去。又常以所歷年所涉事強聒以語人。是乃合查利斯一世魯意十六世二人性質爲之者。其始終以哥倫爲長者。惟短其買空賣空。而哥倫竊萬鎊金幣。擬竊麗蝶以逃種種事。未之聞。聞土理言。悍然不信。斷斷爭執。怪土理妄言。土理含怒而出。瀕行。顧老利朋曰。余此後不得確據。不復見君。卽乘車至達納耳。所見勃蘭克與達納耳忿毆相持不下。土理入。勃蘭克則舍達納耳而撲。土理大呼曰。汝當飽我老拳。汝何故辱我麗蝶。土理曰。然。殆麗蝶使汝來耶。勃蘭克曰。麗蝶何能受汝等辱。土理曰。此公家事。我詰麗蝶所知事。彼闕不聲。胡云辱。達納耳曰。勃蘭克。土理君所言。冰解的破。旣遜且公坐。勿囂。當有以語若。勃蘭克頰紅如火。怒勃然未息。欹身椅中曰。土理君。姑聽若何說。土理曰。無說。有問曰。所問云何。土理曰。胡爲麗蝶使仇廉白浪衣其衣。至馬得里街。往會哥倫。勃蘭克曰。無此事。衣則畀彼爲嫁時用者。土理曰。大奇。何以在哥倫被殺日贈之。勃蘭克曰。若何故。必欲周內麗蝶。土理曰。此案固麗蝶所知者。勃蘭克曰。我告若麗蝶於此案。實未之知。惟老奴哥倫謬愛之。麗蝶怫然不

願蓋既與余有婚約。其不欲隨逋也。明甚。土理嘲之曰。以君窶人耳。勃蘭克曰。辯倫非富者。以買空賣空。所虧纍纍矣。土理曰。彼不有萬鎊英金之鈔幣耶。勃蘭克曰。此款乃黨會物。安能確定爲彼所得。土理曰。不知彼早用意。欲得此款。勃蘭克悲而起。攜冠欲去。謂土理曰。余亦無暇以口舌競。君必陷麗蝶。余必力獲此兇。以洗麗蝶之玷。達納耳曰。望若速成。勃蘭克曰。必成。余可決殺二人者。必會中人麻謀兒之爲兇徒。形跡炳著。我更當以確據示。土理君始信。余言非謬。若此時自鳴得意。然取徑已差。若能移疑一弱女子之心。以探察用桶之黨會。此案不難立破。言竟疾趨而去。土理與達納耳猶豫莫決。良久。達納耳曰。味勃蘭克所言。亦不爲無見。桶實此案大關鍵也。土理曰。我知麻謀兒必非其人。達納耳曰。何也。曰。以萬金鈔幣已璧返矣。達納耳大詫曰。眞耶。誠奇異事。土理曰。金數雖符。鈔幣之號已變。由此觀之。則麻謀兒必不因此而殺辯倫。達納耳曰。然則兇徒誰屬。土理曰。卽返鈔幣者。達納耳曰。返者爲何如人。土理曰。乃一紅鬚髮者。昔夕至麻謀兒旅館。交閤人轉達之。達納耳不禁

失笑曰。與。辯。倫。同。僞。鬚。髮。者。復。出。緝。其。人。恐。又。大。難。土。理。曰。彼。於。深。宵。出。沒。君。正。不。難。邏。得。達。納。耳。曰。君。好。爲。戲。言。余。以。何。術。可。得。土。理。曰。非。戲。也。君。當。用。我。言。余。已。將。被。竊。鈔。幣。號。數。留。辯。倫。銀。行。經。數。星。期。杳。乏。息。耗。我。欲。以。此。事。委。一。能。者。非。君。誰。當。之。達。納。耳。曰。恐。不。勝。任。奈。何。土。理。曰。凡。人。能。不。惜。腦。力。何。事。不。成。言。次。以。失。去。鈔。號。及。所。易。之。號。數。授。達。納。耳。曰。君。持。此。二。單。詣。各。銀。行。一。查。如。有。與。單。列。號。數。出。入。者。卽。從。此。密。訶。來。路。設。得。發。覆。何。幸。如。之。達。納。耳。曰。若。是。能。操。券。獲。兇。乎。土。理。曰。換。鈔。幣。者。卽。殺。人。賊。達。納。耳。曰。然。則。君。當。將。辯。倫。身。攜。萬。金。鈔。幣。之。據。爲。我。言。之。土。理。曰。君。但。察。得。易。鈔。幣。者。余。卽。有。據。達。納。耳。曰。得。毋。迫。令。強。承。土。理。曰。非。也。自。有。他。策。余。此。時。略。有。把。握。矣。達。納。耳。曰。恐。又。爲。理。想。土。理。曰。雖。理。想。耶。不。久。卽。成。事。實。君。好。爲。之。勿。爲。余。慮。余。方。候。機。行。事。耳。言。竟。舉。武。復。止。曰。返。鈔。事。知。者。僅。爾。我。及。樊。斯。麻。謀。兒。耳。他。人。前。勿。置。喙。達。納。耳。曰。何。也。曰。恐。返。鈔。者。有。所。備。祕。之。爲。是。達。納。耳。曰。馬。利。亞。我。意。彼。必。知。之。因。匿。護。故。緘。其。口。安。知。易。鈔。幣。者。非。卽。彼。匿。護。之。人。以。姓。名。及。返。

鈔事告之。彼見事已暴露。當無所隱。土理領首曰。君盡其所能爲也。可果能使馬利亞吐實。君智實出倫輩。曰。予亦相機行事耳。土理卽辭出。於第二星期。揭檮諸報章。覓曩日發見仇廉白浪尸骸者。在土理用意。仇廉白浪身畔。或冠飾。或插鍼。或約指。及攝影片。有則或爲是人所匿。此等物多眷者所貽。能獲其一。當可循求得實。如滅頂者。欲圖出水。偶攀得一草。卽思因緣騰躍。土理之想。又何異溺人之攀草耶。正思索間。達納耳入色頗愉悅。曰。得之矣。於近鄉銀行中。檢單中二號。乃易諸彼行者。計易鈔時。在拜倫被殺之前一日。以他幣易。故與單中不能兩符。土理曰。第不知何人所爲。曰。試一測之。曰。不能測。達納耳曰。無他。小利朋耳。

第二十一章

土理聞之。愕然不能答。瞠目。橋舌。若魚處於陸。頓滅活潑之象。默念此案中人。惟小利朋初未料及。良久。嘶聲曰。恐未必耳。達納耳曰。甚確。乃亨史達銀行主者所云。又言小利朋並無祕密狀。土理一躍起。牽達納耳裾曰。亟詣小利朋許。曰。汝執之耶。曰。

有據卽執曰。恐彼必不承。曰。此亦自然理。卽相與出乘車。達納耳曰。小利朋竟殺人。君乃未思及。土理曰。姑俟見後。視彼答言。比至而小利朋甚口滔滔。置辯洗刷之疾。若勁風之掃秋葉。旣而曰。君好爲株連。殊出意表。有何例向余詰問。土理已疑其冤。姑曰。君易此鈔幣乎。小利朋曰。然。辯倫所囑。達納耳曰。辯倫何以遣君爲此。曰。因麻謀兒交辯倫時有此言。曰。此殆漫言。麻謀兒見易後之鈔幣。與余同一驚愕。小利朋曰。此非余所知。余所知者。乃辯倫被殺之半月前。以事令余至雷屋。彼爲余父執。故應之。亦將責我乎。曰。令若爲何事。小利朋曰。辯倫在祕魯時。投一會黨。今祕魯政府欲滅此會。入其金。會中皆挈金之他國。麻謀兒爲會員。攜英金一萬鎊來倫敦。因辯倫夙與會同宗旨。故交彼易之。達納耳曰。宗旨若何。小利朋曰。欲復英戒故國耳。辯倫以此款藏雷屋中。且謂麻謀兒云。恐祕魯政府有文牘來英。將此項鈔幣注銷作廢。囑爲易號。辯倫乃主銀行者。恐他行致疑。故命余往易。土理曰。若胡不易諸國家銀行。小利朋曰。以辯倫不欲。恐祕魯政府覺察。較易故不於城而於鄉。易後卽付辯

倫復藏雷屋。後欲往意大利。於星期五始付樊斯。置銀行密匱。此我所知者。土理曰。足矣。何若曩者不言。曰。有二。一辯倫囑勿洩。一恐株連。土理曰。若自護固矣。余固未指若行竊。亦未欲妄爲株連。問僅止此耳。曰。余言已畢。若知之。胡不行。達納耳見其語率。卽掉臂去。土理及門。戟指而言曰。若亦知先哲有言。驕仇必敗耶。小利朋聞而未喻。土理至道上。達納耳問曰。何往。曰。欲詣麻謀兒。探易鈔事。曰。然則余往雷屋見馬利亞矣。曰。冀君不虛此探。遂與別。達納耳正欲登車。土理復回。小語曰。余終未信易幣事。乃麻謀兒所囑。余仍疑辯倫易而欲遁。而小利朋與麻謀兒皆爲所蒙。彼被殺時。鈔幣當在身畔也。達納耳曰。噫。君何又作此想。曰。此事遲速。必當發現。於是分道行。達納耳徑詣雷屋。於車中轉輾籌畫。頗不然。土理言。以其徒以名學推闡。未有灼見。而據樊斯語。則辯倫何以能得此鈔幣耶。思久心懣。覺怳然轉入愛情。卽此一念。胸摹魂與懸想。見馬利亞後。如何問答。如何舉止。剎那間。若濤流之沸湧。幾忘身在車內。不能自持。頃之抵其所。卽隨刺入。俄馬利亞冉冉出。達納耳

量霞生頰。足踈踈不前。馬利亞見達納耳來。實出意表。觀其狀。頓揣知一二。曰。君以何事光賁。達納耳方耳鳴。目張茫然。不知當以何答。頃之迸力發吭。曰。以殺案諭若。馬利亞奇其言。笑曰。辱注意。已獲兇未。曰。未。但鈔幣已得矣。馬利亞聞言。色頓變。亟問曰。是何鈔幣。曰。卽從密匱中竊去者。今則已返諸麻謀兒。馬利亞前詰曰。果否。曰。已入麻謀兒手矣。馬利亞曰。然則兇徒當可根獲。曰。何言之易。曰。返幣者爲何人。達納耳曰。乃一不知姓名者。送麻謀兒旅館。授閹人轉交。已卽逸去。馬利亞曰。然則殺人賊可得矣。返鈔者。其幣攬諸瘠倫君死後身上。非兇徒而何。達納耳曰。瘠倫非藏金祕匱耶。已未向取。胡由攜諸身畔。馬利亞慨然太息曰。余無譎言。達納耳卽迎機詰曰。若何妨道實。否則恐害及無辜。曰。孰爲無辜。曰。小利朋耳。此鈔由彼向他行易換。株連無所避。馬利亞曰。誤矣。小利朋實無與此事者。余能力證。曰。然則若正當直言。以免禍及。馬利亞環顧室中。復啟戶周矚。手闔之。更探首牖外。乃至達納耳前。執其手。達納耳甚驚其狀。馬利亞曰。君長者。余能信君。然余實懼。僮至。茲不得已爲君。

言鈔實非小利朋所取。當令君知其人曰：非麻謀兒耶。馬利亞徐答曰：非也。取鈔幣者卽余。馬利亞達納耳大愕曰：是若耶。果若爲之耶。曰：實余取以與。辯倫君者。

第二十二章

馬利亞之作此語實出意想。外斯時達納耳面血皆凝。汗被體。若瀉癡立如木鷄。然目瞪視馬利亞。不瞬度。馬利亞必闖涉此案。顧私心所愛慕者。忍令其受法律之繫。治念及此。心顛盪無所主。馬利亞敏慧。卽揣得其心事曰：君毋爲余慮。余所爲皆辯倫君所命。坐當爲詳述之。達納耳神稍帖。就坐引耳。馬利亞曰：當日辯倫君欲往意大利時。邀余至密室。以事告余。戒勿洩。今余不能終祕。恐累及無辜耳。辯倫君於十年前在利馬娶余姑爲室。時有黨會曰……未畢言。達納耳亟續曰：祕魯之愛國會。其用僑事一切。余皆洞悉。若且言辯倫。馬利亞曰：彼黨會不知以何力。使辯倫君必與其中。否且見殺。比至英國。謂可與此會隔絕矣。乃今年麻謀兒攜萬金鈔幣自祕魯來視辯倫君。並述疇昔會中事。以此鈔授使經管。辯倫君卽藏此間室內。被殺之。

一星期前。警覩一俑在案。達納耳曰。此俑殆預報死信耶。曰。然。並貳以一牘。牘云。以此鈔幣交會中人。曰。三打者。其人夙未覲面。然不如言。禍且立至。猗倫君栗栗自懼。蓋素知黨人之悍險。攫之者。萬無免理。不得已如牘所言。達納耳曰。此牘容或有冒名者。何由知非贗鼎。馬利亞曰。以俑爲證。此俑惟祕魯會中人有之。他人無從得。卽在祕魯。亦非輕易可見者。達納耳曰。猗倫擬以此款交三打耶。曰。然。彼又恐爲麻謀兒所知。因彼交此款時。囑祕不洩。脫爲所知。刺者踵至矣。達納耳軒渠而笑。念猗倫何愚闇乃爾。曰。不料猗倫如此深信。此國中甯祕魯比。豈咄嗟可暗殺耶。馬利亞曰。君殆忘猗倫君收局矣。俑在尸畔。非較著者。但不知麻謀兒與三打孰殺之耳。達納耳曰。此中甚有味。若姑述其餘。馬利亞曰。猗倫君以此款藏銀行密匱內。旋寓書麻謀兒。約星期六下午。往杜克街會晤。蓋欲告其此款已移藏銀行中。倘欲檢視。詢樊斯可也。猗倫又故遺舟券於銀行。使余屆時往取舟券。乘間潛取此款鈔幣。曰。匱至密。何能立啟。曰。猗倫君曾授鑰於余。曰。使若潛取此款。又令麻謀兒下午往視。

將以何物示之。不自暴其瑕耶。馬利亞曰。君忘矣。銀行通例。星期六之下午。及星期日。皆閉市。麻謀兒。卽欲往視。須俟星期一。癸倫君擬於星期六之夕。以此鈔交三打。卽潛走。意大利冀脫危險。達納耳曰。策甚善。故若願受指搆。馬利亞曰。余生長利馬耳。熟祕魯愛國會之復仇事。至爲險烈。我欲拯癸倫君。故諾而不辭。達納耳曰。請若述取金事。馬利亞曰。癸倫君以此金於星期五。當樊斯之目。置諸密匱。遂發電告余。令如前囑。余於星期六晨興。至銀行。佯取舟券。時樊斯在癸倫君密室中。卽託辭請其出取水。甫離室。余亟啟匱取款。比樊斯入。匱已鍵。鈔幣已入衣囊。逾午。余至杜克街。出鈔與之。時癸倫君云。已晤麻謀兒矣。達納耳曰。麻謀兒往晤癸倫。余早知之。乃米克所述。不知癸倫擬後以何法抵麻謀兒。馬利亞曰。癸倫君意欲至意大利後。再寓書麻謀兒。云此款已交三打。彼時日久。麻謀兒怒亦漸釋。卽歸相見。當可無事。達納耳曰。此癸倫自爲善後策耶。馬利亞曰。彼實自苦。事未成。身已見殺。達納耳曰。癸倫究如何付此款於三打。且會中旣令付三打矣。何又殺而奪之。曰。余亦不明其

故曰。若至銀行取舟券。是二紙否。曰。余未知數。辯倫君僅云一紙在函封內。當時揣其封甚厚。君言二紙。或當是。達納耳曰。此兩紙者。一自用。一給麗蝶。緣彼欲挈以同行。而麗蝶則給之。以己衣衣仇廉白浪。僞爲己狀。仇廉白浪遂受刃矣。曰。殺之者究爲誰氏。曰。是未能知度。或卽爲所言之三打。彼恐辯倫挈金遁。故尾伺殺之。究不知是否也。馬利亞曰。辯倫君已死。余何必揚其惡。彼實無信於余姑。言至此。淚忽承睫。達納耳至此。思辯倫旣竊萬鎊鈔幣。復嫁禍於樊斯。欲攜麗蝶遁跡南美洲。而忍棄其妻。受欺於一女子。致事未成。而洞胸慘死。倘所謂自作之孽非耶。乃謂馬利亞曰。何若曩日祕而不語。曰。因我已允辯倫。祕不告人。且云。倘余言不慎。彼雖遁去。而會中人必仇及余姑。余益凜凜。達納耳默忖。是皆辯倫謊語耳。遂別馬利亞出。至市見土理。罄語之。土理喜曰。辯倫攜金遁跡。君今信否。此老竟出此奇計。不圖禍在須臾。達納耳曰。其如鴻飛冥冥。獲兇無日。何歸而默思馬利亞態狀。獨絕愛慕益切。次晨未離榻。而土理已突然入室。舞手蹈足。意懽甚。曰。余已覓得發見仇廉白浪尸骸之

人矣。有一肖照匣。得諸仇廉白浪頸中。上鑄有 G.V.XO J.B. 字。此卽眷者所貽。達納耳自榻上一躍起曰。得非仇廉白浪之所眷者。曰。然。當夕偕彼殺辯倫者。亦卽其人。曰。爲誰。曰。視此字母。非樊斯而何。

第二十三章

土理以樊斯膽小若鼷鼠。當不作此等事。然以肖照匣觀。則明明爲仇廉白浪之眷者。或因妒而尾其後。則辯倫之斃。必彼所爲。達納耳徐著衣履。且著且言曰。是亦有理。若樊斯果暱仇廉白浪者。則事或可疑。然當時是否與仇廉白浪偕行。則又無左證。可證者莫如仇廉白浪。今已死矣。土理頷首曰。余亦以少此證據爲病。然余必不能舍樊斯。設方畧恫喝之。必可得實。曰。君以何法。土理莞爾而笑。於衣囊中出一符。曰。此拘樊斯者。一旬鐘前已備。復寓書樊斯。趣其至。至則以此符示之。必懼而吐實。達納耳曰。吐實耶。以罪拘彼。未吐耶。以疑拘彼。兩者必居一。必入獄。然吾知其必不強承也。土理曰。樊斯爲擴悍者。必不承。然實懦夫耳。聞辯倫死卽哭。見俑卽驚。若此。

人者。甯能堅持不動。曰。彼以何時來。土理出時計視之。曰。十句半鐘。行將至矣。余思此無賴。必竊死者物。君視我所度何如。曰。君何忽措意及此。曰。彼固先竊刀矣。死者衣內脫有物。必採取無疑。此肖照匣。已付質庫。及見報章揭藥。昨夕始來告余。卽偕至質肆。贖此匣出。給以英金二鎊。諦察則匣鐫樊斯名。是真幸事。曰。君確知此字母爲彼姓名耶。曰。甚確。余初遇樊斯。卽叩其名姓。此字母。舍樊斯外。無他人。曰。馬利亞以金與瘠倫。則非樊斯所料。余謂此案。衅以竊。非以妒也。曰。恐二者皆未免。且又有復仇意。問於其中。曰。余實未明。土理曰。亦何難明之有。是必樊斯知仇廉白浪。聽麗蝶使。而往馬得里街會瘠倫。乃尾伺之。窺其相會。至瘠倫以鈔幣賂仇廉白浪。遂因妒而殺瘠倫。繼復迫仇廉白浪同乘馬車。至愛文牛路。復引彼至巴德拉尼特河邊。因其失信。復手刃之。取其鈔幣。欲棄尸於河。未果而驚逸。情事固炳然也。達納耳曰。汝言辯矣。惜尙多罅漏。曰。罅漏在何許。達納耳曰。君已忘卻桶事。又忘此鈔幣。今已璧返。尙謂樊斯手刃二人。後復來返幣。雖至愚不出此。且君謂樊斯一巽懦人也。胡

能有此連殺毒手。土理笑曰：卽此爲罅隙耶？欲再申論間，微有剝啄聲。土理曰：此樊斯也。聽叩戶聲，卽知其人矣。

往啟門，樊斯隨入，服涓潔神于。于然不知須臾，卽欲入犴獄者，就坐曰：余依約來，此案得毋有新得。土理曰：然爲極新事，與若有巨益。曰：得非涉竊事乎？曰：非也。實關殺案。樊斯乎？汝欲置身事外耶？今則罪人已得，樊斯驟失色曰：麻謀兒乎？曰：非也。請視此符，卽出授之。樊斯手大顫，強接視曰：噫！此拘人符，胡爲至。土理曰：誠然爲君而設。樊斯驚絕，作微慘聲曰：爲我乎？曰：然。卽樊斯旣殺其居停主人，復殺其所眷女，樊斯足戰，輒不能起，強倚椅立曰：是乃妄言。土理曰：汝殺二命，必拘汝。再問十分鐘，汝當入獄。樊斯髮際汗淋漓下，呼曰：予實無辜，容予剖白。土理出背照匣置諸掌，曰：汝將此剖白。樊斯見，卽顛於椅，嗒然曰：余其死矣。土理曰：我亦云然。汝尙何說。樊斯曰：余可出矢言，余無罪。土理曰：汝圖自脫，亦何誓不可設。勿多言，趣偕我去。樊斯已昏，昏不知人。土理欲牽其手，樊斯觸械而蘇，流涕長潛，踉達納耳前乞哀，曰：達納耳先生。

救我。我乃無辜。勿使彼拘我入獄。達納耳見此卑鄙狀。頗不耐。曰：我何能爲。我無權改法律。汝有罪。汝自當之。樊斯曰：余固有罪者。何敢辯。惟余實見枉。土理曰：有無罪證據否。樊斯以手掩面曰：我未敢言。曰：既不能言。當趣往。樊斯躅足。哭甚。哀狀似婦人。至臥地。號咷若嬰。笞榜。達納耳見而厭之。麾手令速去。土理曰：亟起行。稍遲。則將用武。如此啼呼。凡有罪者所不欲出。汝謂無罪。亦當剖明。乃甘作此醜態。樊斯悲且恚。遂起。以巾拭淚。似鼠之見。逐直逼牆隅。無隙可遁。反首睽目之狀。曰：飲我以杯水。我當直陳。達納耳卽爲取水。土理問曰：汝如何手刃辯倫。曰：是夕未見辯倫。胡由殺彼。曰：至此尙欲狡辯耶。曰：試畢其詞。然後君再斥我。卽舉水一飲盡。理其襟服。色稍稍平復。曰：君等知我爲辯倫書記。常詣雷屋。或作數日留。頗能悉其家事。一年前。余與馬利亞之女傭仇廉白浪相眷。以此肖照匣贈之。有致富後婚娶之約。達納耳曰：汝此約信耶。抑以爲戲。樊斯正色曰：何戲爲。彼一好女子。余眷之至。後相遇。常談所知事。仇廉白浪遂以辯倫家瑣事誅我。云：辯倫頗眷麗蝶。然生業將傾矣。一日辯倫

告我。謂得有萬鎊英金。我尙未信。繼我至雷屋。辯倫出示鈔幣。言爲祕魯愛國會之款。又述備事本末。並謂願此萬鎊英金。爲彼所有。嗣後麗蝶與仇廉白浪甚相得。倚若腹心。土理曰。特是麻謀兒存鈔幣時。麗蝶已不在辯倫家矣。樊斯曰。我知之。仇廉白浪常往倫敦視麗蝶。麗蝶告以辯倫欲攜萬鎊英金。並挈彼偕往美洲。彼意必曰。見此金。始可允諾。乃期會於馬得里街。二人皆僞裝。曰。何故。樊斯曰。會黨以偷賊人。辯倫夙所懷懍。麗蝶亦深知其險。不無心悸。密會慮有耳目。故擇此馬得里街僻寂之所。麗蝶後知辯倫實有此金。卽歸白龍斯巴里居處。擬詰且至維多里亞火車站。以俟辯倫。同至奇那。再易船而往南美洲。土理曰。策甚善。何以麗蝶不往。而遣仇廉白浪往耶。

第二十四章

樊斯少息。卽答曰。君謂仇廉白浪何以代麗蝶。蓋因麗蝶中變。不願隨辯倫往意大利耳。土理曰。辯倫往奇那之舟券。胡以有二紙。樊斯曰。余亦於辯倫密室。見函中有

舟券二。此猗倫受麗蝶給耳。曰。若此。何以又期會於馬得里街。樊斯曰。麗蝶欲得此萬鎊英金。又懼黨會訶察。故期於是地。達納耳曰。然則麗蝶當夕欲劫此金乎。樊斯曰。然。然未必有殺猗倫之心。以星期五之夜。與猗倫商定。繼而猶豫不欲去。故令仇廉白浪僞爲己狀。以往。曰。仇廉白浪何以肯冒此大險。樊斯曰。實余慫恿成之。土理愕曰。是汝慫恿耶。樊斯曰。然。仇廉白浪於次日午。以麗蝶意告余。余思萬金可獲。機不可失。力勸仇廉白浪作此行。且又知麻謀兒所存鈔幣。猗倫已令小利朋悉數易換。與麻謀兒所失之號不符。已泯然無蹟。於是余囑仇廉白浪。翼面冒麗蝶。往會猗倫。鈔幣入握。趣來會我。約在巴德拉尼特河畔。俟之余。意一得此款。卽陽病乞假。挈仇廉白浪遁跡澳洲矣。土理笑曰。汝此策直一無賴子。樊斯曰。非也。脫猗倫以誠待我。我胡敢萌此心。奈彼欺我甚。欲嫁禍於我。曾當我目。以一萬鎊之鈔幣置密匱中。我思此款。既置匱中。則馬得里街將何以示麗蝶。深爲疑詫。當潛察彼以何法出之。次日蚤起。馬利亞突來。此人夙尠。至此至。又乞余取水。是必有所事欲避我也。益疑。

之伴諾而出。就瞰於門隙。見其出鑰。啟匱徑取鈔幣入衣囊矣。余思此必猗倫使之來竊者。然鈔失則我不免受累。我何負於猗倫而見蠶。若是必有以報。俄仇廉白浪繼蹤至。言麗蝶使彼冒往事。余思猗倫既善爲狡滑。設策陷人。我甯不能就機設策以得此多金。遂與仇廉白浪定謀。非我負猗倫。實猗倫負我相激而成耳。

土理聞而嗤曰。然則以汝衡彼。猶二五之與十。有何軒輊耶。仇廉白浪奈何趣述之。樊斯曰。彼如言會猗倫於馬得里街。我卽俟諸巴德拉尼河畔。期以一句鐘。土理曰。胡不會於汝寓。樊斯曰。恐有痕跡爲人所知。是夕仇廉白浪果衣麗蝶之衣。往馬得里街會晤猗倫。得此鈔幣。土理亟問曰。非殺猗倫取得耶。樊斯曰。非也。猗倫以仇廉白浪翳面。誤彼爲麗蝶。卽出鈔幣付之。此後……語至此忽止。土理曰。此後何如。樊斯曰。此後亦不知何若。仇廉白浪未及告余。已爲人殺死。曰爲何人所殺。樊斯曰。乃一素不相識人。當時我靜俟巴德拉尼特河畔。至一句鐘。而仇廉白浪杳然。復閱三十分鐘。彼始馳至。土理問曰。自何方來。曰。自愛文牛路。土理自語曰。此與御者梅恩

之語相符。樊斯曰：仇廉白浪至前，卽以鈔幣付我。我收入衣囊中。彼且云：瘠倫已死。正欲詰其致死之由。卽見一人衣長衣，亦自愛文牛路飛馳追至。挺白刃刺仇廉白浪。星光中見仇白廉浪一轉身，刃已陷其胸。噉然踣地。我大驚，反身向司脫來恩而逸。土理曰：此人逐汝否？樊斯曰：未也。余且奔且回視，見其正俯身於尸體，作搜索狀。我忿息力馳至司脫來恩，恐見者疑非常，卽屏息徐步。復車達海派克路角下。復步至維多利亞車站。隨歸惠司敏司脫寓。土理曰：汝確知無人逐汝耶？樊斯曰：余驚遁時，倉皇督亂，髣髴有人跡其後。確否則不得而知。實以仇廉白浪驟爲人賤，余恐觸兇鋒，逃命不遑。幾喪魂魄。曰：然則殺仇廉白浪者，形狀若何？曰：長衣被體，首軟帽，鬚黑色，其行甚疾。未及諦審。土理自語曰：此服色與梅恩所述亦符。則瘠倫亦斃其手無疑。謂樊斯曰：已述竟耶？曰：後我思仇廉白浪已死，留此金何用？不如返諸麻謀兒。土理曰：然則赤鬚髮者卽汝耶？曰：然。余恐遇麻謀兒，故僞其鬚髮。土理曰：汝返金何意？曰：仇廉白浪旣遭奸人喪其軀，我何忍得此。故返之。曰：汝言奸人爲誰？曰：卽殺仇

廉白浪者曰。汝不知其人耶。曰。脫知。予必手刃。以洩吾憤。曰。汝以意揣之。爲何人。曰。我思索不得。倘仇廉白浪不死。當可告我。今從何詢問耶。土理曰。此兇徒之幸耳。獨怪汝曩日。竟箝口不道一字。曰。實恐牽綴蒙禍耳。土理曰。愚哉。脫早言。我曹可省却無限心力。鈔幣既返。汝卽與此案不涉。拘符成廢紙矣。汝其歸事汝事。特尙有與汝約者在。曰。何事。曰。汝母爲外人道。曰。謹如言。卽舉武出。不自意。方將作階下囚。竟得掉臂出門去。且行且自慰。

於是達納耳謂土理曰。樊斯言無僞乎。曰。無僞。彼荏荏人耳。非能壽張爲幻者。想以此事耿耿。有無量苦怖。今則傾篋而出。愉快不知何似。曰。似此卑鄙小人。我殊不喜。土理曰。雖齷齪可鄙。返金一節。尙非夢夢。語畢辭去。達納耳綜此案所詰。察而得者。逐節推究。終糾漫無措手處。籌思間。忽勃蘭克來見。卽問曰。案有歸宿否。達納耳曰。已續得證據。然亦無大關繫。曰。何也。曰。僅證出仇廉白浪爲麗蝶所使耳。曰。君試述之。達納耳惟抽去返鈔一節。餘樊斯所言。悉罄無隱。勃蘭克曰。不意樊斯已獲此款。

罪有攸屬。所云黑鬚之人。其麻謀兒乎。達納耳曰。君可知與仇廉白浪偕至馬得里街者。麗蝶當知爲何許人。曰。彼或能知。余當力詰。然余甚不滿意於麗蝶所爲。彼以此賣辯倫。安知後不賣我。與此類人結婚。非我所欲。當令彼將馬得里街事。剖釋明白。脫涉不誠者。我卽與決絕。達納耳曰。甚善。此女亦殊詭譎。倘果輸情。君當語我。勃蘭克曰。必語君。然我尙望其所告無罪也。於是勃蘭克悵悵去。達納耳亦爲之不樂。思此女習爲欺詐。墜其術者。當不止一人。凡欲得婦者。必先知女本末。然後訂約。始無後悔。我甚願勃蘭克得脫麗蝶之牢籠。逾二日。土理來。樊斯從其後。有驚憂色。土理出一函。謂達納耳曰。君試讀之。受視則致樊斯者。樊斯曰。是乃殺辯倫與仇廉白浪者之來書。

第二十五章

達納耳大驚發閱。乃一手書短牘。其語曰。樊斯若能與致書人。於星期五夜十一句鐘。會於海園中亞起兒像側。則樊斯於巴德拉尼特殺案。可脫然無累。然必獨身至。

有乞火然煙卷者。卽致書人也。達納耳曰。是一匿名函。并不著發函處所。樊斯曰。味語氣。爲兇徒所作無疑。達納耳曰。胡知之若是之確。土理曰。余察之。樊斯言良是。此人殺仇廉白浪時。卽知樊斯在側。今投此匿名書。其爲索金明甚。達納耳曰。非萬鎊鈔幣乎。土理曰。然。度此人以是殺辯倫。又知仇廉白浪以此金付樊斯。故憤殺仇廉白浪。追樊斯未得心豔。此不能忘。亦不知如何能知樊斯之隱。今海園之約。必欲分其所有之金。彼得金後。或自首於警署。故卽可以脫樊斯之累者。制樊斯其策。畫如是而已。達納耳曰。所度甚當。謂樊斯曰。若赴約乎。樊斯未卽答。土理曰。我屬皆往。君願與偕否。達納耳曰。此事余必始終之。土理曰。明夕十句半鐘。我與君當率警兵二。至亞起兒像側。匿僻所。至十一句鐘。使樊斯如約。俟匪計狡矣。不知我曹已玩之掌上也。樊斯問達納耳曰。君度成否。何如。曰。成否不能決。我屬所爲。至爲槃錯。懲於先事。殊難逆料。樊斯曰。此次必得要領矣。又謂土理曰。余欲去歸治事。會以詰朝。遂握別。達納耳心鄙其人。俟其出。卽闔戶曰。彼且自居爲長者。土理曰。能助成此事亦佳。

人品姑勿具論。且盜金已璧返矣。達納耳曰。返金實由中怯耳。且彼既慫仇廉白浪。往復又不能保護。致殺其身。亦殊負負。土理曰。余亦謂此。樊斯實一鬪茸之徒。達納耳曰。此儻何足齒。今且問君。此匿名書。何人所爲。曰。已言之矣。是殺人者之筆。曰。曾測其名否。曰。恐卽我曹所知者。達納耳曰。得毋謂麻謀兒乎。曰。非也。麻謀兒可釋然無疑。余所介介者。小利朋耳。曰。胡疑及彼。土理曰。所以致疑者。以其短於行。擲金錢若泥礫。在倫敦負債纍纍。溺於博飲。爲狎邪遊。脫爲其父知。必遭屏逐。曰。行果喪矣。然未能證實其殺辯倫之據。土理曰。亦憶初見時。彼怔忡甚。聞辯倫被殺。舉止張惶。渠非爲辯倫易鈔。且知其攜金欲遁耶。曰。此消息自何許來。土理曰。得之麗蝶。君聞之。當亦心詫。此女子無往而不欺。給因勃蘭克。而給馬利亞。因辯倫。而給勃蘭克。因小利朋。則竟賣辯倫矣。恐其終局。必將因利己而殺身。我思此事。恐係小利朋等專意爲奸。欲一舉手得萬鎊英金。致辯倫陷刃。比仇廉白浪得金付樊斯。小利朋微窺而追殺之。及搜索屍衣不得。知爲樊斯攜去。乃變計徐待之。俟事稍寢。然後寓書樊

斯以詭詞約晤。或冀得其金。或潛刃以報。事未可知。曰。奈樊斯已無此金。何。土理曰。然則舍爾我及麻謀兒樊斯馬利亞五人外。孰知此金已返彼小利朋。尙懵懵耳。予知來夕必械送小利朋入獄也。是案久歷時日。至此可一破疑團矣。曰。甚善。亦余所深期。土理曰。姑視來夕。

時屆十句鐘後。土理與達納耳。率二警兵。衣常服偕行。夜黑。星光微燦。行人尙絡繹。至海園中亞起兒像近處。則人跡稀矣。相與隱於密樹之背。達納耳與土理私語曰。此人乃約樊斯於此公處。土理曰。凡公處。愈不及。察隨指曰。來矣。衆矚目。昏黑中一瘠而修者。蹠躩於亞起兒像左右。知爲樊斯。並見數人出入園柵。餘無動靜。惟見樊斯以所熬煙捲火光。晃照時計。時禮拜堂正鳴十一句鐘。樊斯卽退近四人匿處。俾語易諦聞。鐘聲甫畢。有一人至樊斯前。長衣軟帽。往來數四。謂樊斯曰。謹乞火。樊斯然憐寸與之。照見其鬚黝然而黑。其人迴顧四周。卽曰。汝得書否。樊斯曰。已閱。特以此來。約晤胡爲者。曰。坐我語。汝相與踞公設椅。椅適當。土理等前似黠鼠之自投檻。

口。樊斯曰。此處得毋不密。曰。安有人誦爾我言者。卽有最靈敏之警察。亦不及料。與汝無他談。索款耳。曰。何款。曰。汝乃故爲不知。卽巴德拉尼特河畔一女子付汝者。樊斯曰。此女子毋卽被殺者耶。曰。勿聲。恐汝亦當隨赴斯道。我以此款。不辭冒大險。志在必得。樊斯曰。脫不與。若何。曰。不與。卽指汝爲殺人賊。我實證之。將何遁。樊斯曰。汝尙圖要挾。汝連殺人。兇徒不汝屬而誰屬。其人乾笑曰。余卽承殺人。汝其奈我何。樊斯疾答曰。奈汝何耶。卽突出二手衝其胸。其人並椅仰傾於地。躍起大罵。自衣底出長刀。直刺樊斯。土理等亟趨出。蜂擁上。力奪其刀。須臾。手已就縛。猶肆罵不已。土理曰。趣以火來。視其人。達納耳卽啓燈之前蔽。光射其面。見黑鬚髮蓬蓬然。似熊狀。達納耳曰。我不之識。土理曰。必小利朋。樊斯齒相擊。曰。果小利朋。舌土理呼曰。汝視之。語未畢。砉然擣其黑鬚髮去。乃一白皙少年。諦察則大驚。孰知爲土理。素不料及之。勃蘭克也。

第二十六章

當時勃蘭克既受拘解讞廳。樊斯爲證人。比至裁判所。勃蘭克狡不承。欲待辯護。嗣以律不得交保人。將置之獄。乃覈棘無能爲計。於土理樊斯達納耳及二警兵前乞紙筆。備傾本末。簽名於下。呈司獄之傳道士。遂入犴室矣。是夕獄卒未注意。勃蘭克乘間雉經死。其認狀曰。

此案殺辯倫及仇廉白浪者。我勃蘭克一人也。無他與手者。先是我與麗蝶有婚約。得悉辯倫攜一萬鎊英金之鈔幣。欲遁跡於意大利。又悉此款乃出諸祕魯愛國會者。我涎欲得之。又不敢肆攘奪。恐會黨將甘心於我。計惟以智取。庶泯形跡。間嘗與麗蝶隱畫策。必約辯倫會僻所。佯視其款。然後劫之。俾會黨無從尋仇。議定。麗蝶遂與辯倫有馬得里術之約。漫允其次日作意大利行。及屆期。麗蝶忽籌思不欲去。令仇廉白浪衣其衣。冒麗蝶名。往會辯倫。時仇廉白浪不知懷何意。竟慨諾不辭。我不免滋疑慮。擬隨彼去。設有變。可立取其金。然辯倫非見麗蝶。則金必不出。我又得一策。不如我喬裝婦女。冒爲麗蝶之爲得。我面素皙。體不甚修。音

亦類婦女。僞爲麗蝶裝。但窳吾面。復誰識者。初意雅不欲與仇廉白浪偕。不知彼何故堅欲同往。繼我亦許諾。倘有意外。用以混警察目。計亦得。乃使仇廉白浪作男子裝。卸衣袴。畀之飾黑鬚髮。加軟帽。我卽衣仇廉白浪之裙。麗蝶之藥色呢服。以馬利亞與仇廉白浪之冠加諸首。厚紗蔽面。裝竟。納刀衣裏。復置二俑衣囊中。我意一得金。卽與仇廉白浪易衣冠如故。當不在警察意中。所帶祕魯佩刀。及二俑。亦藉以自衛。初無殺人意。我可出矢言。至夜半。入馬得里街。又間數分鐘。猗倫僞紅鬚髮者。踐約而來。彼驟見我。不止一人。卽大愕。我效麗蝶態。與耳語曰。彼爲我居停主人子。我特與偕。爲夜行保衛。猗倫殊深信。卽出鈔幣與觀。束爲一裹。欲展視。猗倫握不釋。我見鈔。日煜煜若出烈焰。卽就其手強攫之。不意力過猛。猗倫驚疑。立揭我髻面。我適立路燈側。無從隱蔽。彼見我真面目。卽欲逸去。我志在得金。怒不可釋。力持弗解。猗倫又不敢聲。互相糾結。致衣上花邊爲彼掣斷。卽出佩刀。疾搥其胸。暗然仆地死。時仇廉白浪驚且啼。手足皆顫。我亟止之。搜猗倫衣。得

鈔幣一裹。納衣囊中。卽挽仇廉白浪臂欲行。又慮事發禍及。計不如嫁禍於祕魯愛國會黨。卽以所懷二桶。留一屍畔。蓋我先備此桶者。恐緝倫不允出鈔。當以桶擊其膽。豈知彼驟揭我幕。面致我怒。斃其命。留桶屍畔者。欲中傷麻謀兒也。於是我卽攜仇廉白浪。出馬得里街。雇馬車乘之。令駛至愛文牛路戲院左右。近仇廉白浪居處。於車中將衣冠互易。比下車。偕仇廉白浪至河畔。棄其所易袴於河。仇廉白浪忽獨身前奔。我始憶鈔幣在衣囊中。今此衣已返其體。亟循蹤前逐。見仇廉白浪在巴德拉尼特與一男子語。不知是人爲誰。我怒其有外心也。突抽刃刺之。立死。此男子已遁去。我徧檢屍衣。鈔幣已杳。度必付此男子。欲往追。又思不若先棄屍河中。以滅跡。正移屍時。忽聞有履聲至。倉皇直趨。此男子所逸方向。冀逐得其人。卒渺不可見。我思此男子竟泰然得金兔脫。我連戕二人。一金不能得。殊爲不值。所幸仇廉白浪已死。麗蝶又不敢洩。此外無人知之。雖失策。不至陷罪也。後至達納耳處。知仇廉白浪當時以此鈔付樊斯。我欲念復萌。特作匿名書約樊

斯會擬以強力取之。不圖事敗見執。身入獄中。一經對簿。則樊斯識我。我何能辯。刑章具在。我必不能生。茲以所犯事。自書狀簽名。罪在我躬。與他人無涉。勃蘭克認狀。

勃蘭克死後一星期。土理坐達納耳室中。言此案偵事之失意。達納耳慰之曰。終藉君探訪力。罪人勃蘭克已自經矣。土理曰。我初以爲罪人小利朋也。焉知乃勃蘭克。然余疑小利朋有關此案。達納耳曰。誠然。樊斯今日來。狀至惶窘。云因涉殺案。已失銀行執業。土理曰。老利朋辭彼耶。曰。然。但彼與小利朋更有交涉。曰。何也。曰。君亦知樊斯得鈔幣後。小利朋曾假以資博進。幸未負。復返樊斯。然後樊斯返諸麻謀兒。是小利朋亦有不應爲之罪。在土理曰。愚哉樊斯。此事曷不愬之老利朋。達納耳曰。樊斯云。聞小利朋已潛走大陸。彼欲往覓之。土理曰。麗蝶何如。曰。已隨小利朋逝矣。土理嗤之以鼻。曰。是二人爲耦。亦佳。其心屬於小利朋也。無惑乎。其外。喬倫矣。達納耳曰。卽勃蘭克亦非彼所愛。彼惟知有己而已。君其信喬倫囑馬利亞語乎。土理曰。此

皆謊語。安有書來。亦未有三打其人者。其故結撰此言。圖卸盜金事耳。達納耳曰。良然。色之中人烈矣。哉。土理曰。勃蘭克亦然。彼二人皆自蹈殺機。尙復誰懟。傷哉。仇廉白浪之死。以一念眷樊斯。致殺其身。今有叩於君者。馬利亞將如何。達納耳低顏有忤色。心神飛越。愬然曰。彼欲隨桐那往利馬。然桐那因此事。恆鬱鬱不樂。土理曰。搗倫不足惜。所惜者。產蕩然矣。達納耳曰。老利朋云。歲尙可得千金。土理曰。須至祕魯。始得有此數。然則君亦將有祕魯之行乎。曰。君何詢及於此。土理曰。自此案結後。聞君無日不往雷屋。達納耳曰。馬利亞欲我往述其事耳。土理笑曰。述一事。須三星期。耶敢問。成婚以何日。曰。未言及此。再問一月。馬利亞往利馬。乘此時。余可悉力著書。土理曰。爲達納耳夫人作佳傳。耶君曷不將此案成一說。部曰。恐出書後。人將以爲子虛。土理曰。麻謀兒且在倫敦。事鑿鑿。安有不信者。達納耳曰。余亦知之。其如讀我書者。多以實事爲點綴。故技何。土理曰。著書姑不論。君果隨馬利亞至利馬。成眷屬乎。曰。然。土理曰。如此佳人。君心醉已久。此行早在我意料中。余竊有不腆之儀。賀君。

嘉禮達納耳曰是何儀耶土理探手衣囊中出一物置達納耳掌中曰卽此脩是

小 本 小 說

倫理美洲萬里尋親記 一册 一角

冒險 小說 金銀島 一册 一角

偵探 小說 白巾人 二册 二角

偵探 小說 車中毒針 一册 一角

偵探 小說 七醫士案 一册 一角

偵探 小說 寶石城 一册 一角

偵探 小說 雙指印 一册 一角

偵探 小說 指環黨 一册 一角

偵探 小說 毒藥罇 一册 一角

警世 小說 一束綠 一册 一角

義俠 小說 雙鴛侶 一册 一角

社會 小說 老殘游記 二册 三角

社會 小說 白頭少年 一册 一角

社會 小說 蘆花餘孽 一册 一角

言情 小說 媒孽奇談 一册 一角

滑稽 小說 旅行述異 二册 三角

滑稽 小說 化身奇談 一册 一角

偵探 小說 桑伯勒包探案 一册 一角

偵探 小說 多那文包探案 一册 一角

偵探 小說 圓室案 一册 一角